

ERDNÎGARÎ

NAVÎN

3

2019/2020



AMADEKAR

**Ev pirtûk ji aliyê Komîteya
Erdnîgariyê ve hatiye
amadekirin.**

LÊVEGER


- Komîteya Şopandinê**
- Komîteya Fotoşopê**
- Komîteya Redekteyê**

**Ev pirtûk ji aliyê Saziya Minhacan ve, wek
pirtûka wanedayînê, ji bo dibistanan hatiye
pejirandin.**



NAVEROK

BEŞA YEKEM	7
QIRÊJIYA QEREBALIXLÎ.....	9
PIRGIRÊKÎN JÎNGEHÎ (BIYABANÎBÛN).....	14
PIRGIRÊKÎN ŞÊNIYÎ.....	19
TEQÎNA ŞÊNIYÎ (PIRBÛNA BÊSÎNOR).....	19
BEŞÊ DUYEM	25
KURDISTAN.....	27
RÛERDA KURDISTANÊ.....	32
AVHEWAYA KURDISTANÊ	38
AVA KURDISTANÊ.....	41
ŞINATIYÊN XWEZAYÎ Û LAWIRÊN KOVÎ.....	49
ERDNÎGARIYA MIROVÎ.....	53
BEŞÊ SÊYEM	61
SÛRIYE.....	63
AVHEWAYA SÛRIYEVÊ.....	68
ŞENÎ.....	73
PİŞESAZÎ Û GERÎN.....	78
BEŞA ÇAREM	83
AVHEWA Û HERÊMÊN AVHEWAYÎ.....	90
ÇALAKIYÊN MIROVÎ LI BAKUR Û ROJHILATÊ SÛRIYEVÊ (ABORÎ)	102
BEŞA PÊNCEM	111
EFRÎN.....	113
KOBANÊ.....	116
QAMIŞLO	118
AMÛDÊ.....	119



6

BEŞA YEKEM





ARMANCÊN BEŞÊ

Wê xwendekar di dawiya vê beşê de fêrî:

- 1- Bandora qirêjiya qerebalixî, bibe.
- 2- Sedemên biyabanîbûnê û bandorêñ wê, bibe.
- 3- Metirsiya teqîna şêniyî (pirbûna bêşînor), bibe.

QIRÊJIYA QEREBALIXLÎ

Ev cureya qirêjiyê, yek ji awayên qirêjiya fîzîkî ye. Bi taybet li herêmên pîsesazî, cihwarbûnên pirşenî û li cihêن tevgerêن veguhestinê, çêdibe.

Qirêjiya qerablixî: Hemû dengên nehezkirî yên ku bandorê li guhdarîkirinê dikin û nahêlin vehesîna derûnî, çêbibe.



◆ Cureyên qirêjiya qerablixî:

1- Qirêjiya qerbalixî ya fîzîkî:

Ew qerbalixa heyberî ya hestbûyî, bibandor û bêşînor e.
Her wiha mirov dikare wê, bipîve.

2- Qirêjiya qerabalixî ya derûnî:

Ew qerabalixa rêjeyî ya ku mirov li gorî rewşên xwe, pê dihese. Mînak: Dengê tîrikên saetê, bi roj dema ku mirov bi çalakiyên xwe radibe, jê tengezar nabe, lê bi şev, di dema xewê de, tengezariyeke derûnî, çêdike

◆ Pîvana cerebalixê:

Cudahiya pêlên deng ên ku di hewayê de têن veguhestin, ji hev heye. Ev cudahî ji hêla xurtbûn, nizimbûn û bilindbûnê ve ye. Hin deng nizim in û hin jî bilind in ku digihêjin asta netebitîbûnê û tengezariyê. Her wiha bandorî û dewisîna pêlên deng, li ser perdeya guh bi menike cîhanî "decibel" (dîsîbil), tê pîvan.

Ev tablo jêder, ast û bandora deng, diyar dike.

◆ Jêderên qerebalixê:

1- Navgînên veguhestinê:

Jêderên bingehîn ên vê qirêjiyê, navgînên veguhestinê yên bejahî û ezmanî ne. Ziyanê li mirovan dikin û netebitîbûnê li cem wan, çêdikin. Mînak: otomobîl, mîtor tirêن û balafir...

2- Qerebalixa kar:

Ev qerebalix, di encama gerîn û tevgera amûrêñ mîkanîkî yên curbicur de derdikeve holê. Mînak: alavêñ kargehan, amûrêñ ku di avakirin û kolanê de, têñ bikaranîn.

3- Qerebalixa malê:

Di encama bikaranîna amûr û navgînêñ malê de, deng derdikeve. Mînak: cilşo, têkelker, basark, sarinc û tilevizyon.

Jêdera deng	Asta deng dîsîbil (dB)	Bandora deng
Birêketina moşekê, teqîna bombezekê	200	Pir bi metirsî ye.
Hilbûna balafireke fişekdar, topeke nêzîk	120	Pir bi metirsî ye.
Tirênen kolanan, muzîka bigirêç	100	Bi metirsî ye
Tevgera navgînêñ veguhestinê (mîtor) pêpîka otomobîlan	90	Destpêka metirsiyê ye
Radyo, telvizyona dengbilind, têkilker elektrîkê, tozmija elektrîkî	70 - 80	Deng bilind e û tengezariyê çêdike
Kolanêñ tijî mirov	40 – 60	Navîn e
Guftûgoyeke normal	30 – 40	Dengekî normal e

◆ **Metirsiyêñ qirêjiya qerebalixî:**

Encamên qirêjiya qerebalixî li tenduristiya mirovan:

1- Bandora qelebalixê li pergala guhdarkirinê:

Guhdarkirina mirovan ji dengên bilind û ji nişka ve, dihêle pûçbûn di şaneyên guhdarkirinê yên hûr ên guhê hundirîn de, çêbibe û pûçbûneke di perdeya guh de, çêbibe. Di encamê de, guh giran dibe yan mirov ker, dibe.

2- Bandoriyêñ derûnî:

Bandora qerebalixî ji hêla derûnî ve, li ser mirovan heye; zû bihin tengbûn, lawaziya baldariya hizirî û bandoreke neyînî li ser têkiliyêñ, mirovan dike.

3- Nexweşian peyda dike:

Mînak: keftebûn, westandin, bilindbûna dewisîna xwînê û zêdebûna guvaşen gedeyê, bi rengekî nebirêkûpêk û di encamê de, kulbûna gedeyê çêdibe.

◆ **Sînorkirina qirêjiya qerebalixî û bandoriyêñ wê:**

- Di derbarê metirsiyêñ qerbalixê, li ser tenduristiyê, bi rîbazên curbicur, belavkirina hişmendiya jîngehî. Ev jî bi rîya komîteyêñ perwerdeyê yên komînan, dibistan û ragihandinê pêk tê.
- Piraniya welatên cîhanê, nikarin bi tena xwe li hember bobelatên jîngehî rawestin, lewra pêwistiya wan, bi alîkariya welatên din, heye.



1- Jêderêni qirêjiya qerbalixî, biniwîse.

2- Li gorî te, pirsgirêka qirêjiya qerbalixî, wê bi çi awayî, çare bibe?

Lêkolîn:

Mijara qirêjiya qerabelixî berfireh e. Bandorî, metirsî û hêmanêni wê, lêkolîn bike.

PIRGIRÊKÎN JÎNGEHÎ (BIYABANÎBÛN)

Diyardeya biyabanîbûnê ji pirsgirêkîn jîngehî yên metirsîdar in ku bandoreke neyînî li hêza berhemdariya xakê, dike. Her wiha jîngeha xwezayî tevlî şînatî û lawiran, bi taybet li herêmên zuha û nîvzuha di bin gefxwarina biyabanîbûnê, dimînin.

◆ Pênameya biyabanîbûnê:

Li herêmên zuha û nîvzuha, ji paşveçûna berhemdariya xakê ya bi sedema karîgerên curbicur (xwezayî û mirovî) guherînê avhewayî çêdibin, biyabanîbûn tê gotin.



◆ Sedemêni biyabanîbûnê:

1- Sedemêni xwezayî:

- Di herêmên zuha û nîvzuha de, dûbarehatina salên zuha û kêmbarîna baranan, dihêle ku xak zuha bibe, ji hev bikeve, şînatî, lawir kêm bibin û berhamdariya xakê, nemîne.

- Bi rêya ba tîxên xîzî tênguhestin û ev yek dihêle rûbera erdê nebikêrhatî be ji çandiniyê re û bandoriyê li çêrgehan jî dike.
- Nişîvbûna xakê: Bi sedema ba û lehiyan, qata jor a xakê ya berhemdar, tê veguhestin. Di encamê de, hilberîna xakê lawaz dibe û nuxmandina şînatiyan, bi şûn ve vedigere.



2- Sedemêni mirovî:

- **Pirbûna şêniyan:**

Di dema niha de li cîhanê pirbûna şêniyan di asteke bilind de ye. Bi taybet li welatên hişînhatî, ji karîgerên alîkare di çêbûna biyabanîbûnê ye. Ev jî vedigere pêwistiya wan a pir ji avê re, kişîna avahîyan, şûna erdêñ bikêrhatî ji çandinî û lawirvaniyê re, yan şûna daristan û şînatiyên xwezayî. Ev dibe sedema kêmbûna zindiyêñ kovî yên di van jîngehan de, dijîn.

- **Wêrankariya rûberêñ nuxmandina şînatiyan:**

Ji ber birîna daran, rûberêñ şînatiyê ber bi şûn ve vedigere; ango ber bi biyabanîbûnê ve jî diçe. Di encama bikaranîna wan weke sûtemenî, şewata rûberêñ fireh ji daristan û şînatiyan û şîvantîya bêbend, wêrankariya rûberêñ şînatiyan, pêk tê. Di encamê de, kêmkirina

rûberên bişînatiyêñ xwezayî mîna herêmên bûr, çêdibe. Ev jî hêsanîya nîşîvbûna xakê dike û ber bi biyabanîbûnê ve, diçê.

- **Bikaranîna mirovan a negunaw ji erd û avê re:**

Mîna cotkariya xakê ya şas û bi taybet li ser qontar û nişîvan (cot ber bi nizmbûnê ve). Ev jî dibe sedema veguhestin û nişîva xakê.

Karîgereke biyabanîbûnê: Di herêmên germ û zuha de, cotkirina kûr ji xakê re, wê zuha dike û ev jî şînatîyan lawaz dike û mêtina axê ji avê re, kêm dibe.

◆ **Asta biyabanîbûnê û nîşana wê:**

- 1- **Biyabanîbûna sivik:** Ji nîşaneyêñ wê, pûçbûn û wêrankirineke sivik di tovbûna şînatîyan pêk tê û xak jî bandoriyeke sivik ber bi şûn ve, lê dibe.
- 2- **Biyabanîbûna nîvenîv:** Pûçbûna şînatîyan di asteke navîn de ye, tîxên xîzî û nehêlên biçûk çêdibin. Her wiha şorbûna xakê belî ye û %25 ji berhemdariya xakê, kêm dibe.
- 3- **Biyabanîbûna pir:** Hin şînatîyen mîna hermelê, wê nîşan dikin.
- 4- **Biyabanîbûna herî pir:** Ji nîşanên vê astê, tîxên xîzî, çêbûna nehêlên kûr, bilindbûna rîjeya şorahiya xakê ye. Di encamê de, berhemdariya xakê namîne.

◆ **Paşmayîyen li dû biyabanîbûnê derdikevin:**

- 1- Bipâşdevegerîna rûberên xakêñ çandinî, çêrgeh û daristanan.
- 2- Kêmbûna hin cureyêñ şînatîyan û şînbûna hin cureyêñ nebikêrhatî ji çandinî û çêrê re û belavbûna wan.
- 3- Belavbûna xizanî, birçîbûnê û nexweşîyan.

- 4- Lawaziya hilberîna çandinî, lawarvanî û bilindbûna nîrxên wan.
- 5- Penaberî ji herêmêni biyabanê ber bi herêmêni din ve.

◆ **Bisînorkirina biyabanîbûnê:**

Ji ber metirsî û pirsgirêkên ku biyabanîbûn derdixe, pêwîstî bi hevkariyê heye. Mînak: Plan û rêveberiya serkeftî ji jîngehê re divê, ji bo parastin û berdewamiya jîngehê, hin rîbazên sînordarkirina biyabanîbûnê ev in:

- 1- Hevkariya herêmî û navnetewî di rîya belavkirina hişmendiya jîngehî de.
- 2- Komkirina agahiyan, naskirina guherînên ku derbarê rewşa hewa û avhewayê, xak, nuxumandina şînatiyan, tevgera lawiran û tîxên xîzê, çêdibin.
- 3- Bi rîbazekî mayinde, guhdan li pirojeyêni avdanê bê kirin û bikaranîna avêni binerd û komkirina avêni baranan, di golêni biçûk de.
- 4- Parastina rûberên şînatiyan, qedexekirina birîna daran û her wiha rîlibergirtina li pêş lawirvaniya bêrêkûpêk.
- 5- Parastina xakê û sînorkirina nîşîvbûna wê, bi avakirina dîwarêni pêlikî.
- 6- Bilindkirina berhemdariya xakê di rîya bikaranîna gubreyêni xwezayî û kîmayî, di asteke pejirandî de.
- 7- Çandiniya daran û avakirina rîbend û rîgiran, ji ber ku dar, rîbend û rîgir ji tevgera tîxên xêzî re, dibin asteng.



- 1- Hevrûkirinekê di navbera sedemên mirovî û xwezayî yên ku bandorê li biyabanîbûnê dikan, çêke.
- 2- Rêbazên rêlibergirtina biyabanîbanê, binivîse.

Lêkolîn:

Biyabanîbûn metersiyeke li jîngehê ye, tu weke endamekî vê jîngehê, bi berpirsiyariya xwe rabe û li ser vê mijarê, lêkolîn bike.

PIRGIRÊKÊN ŞENIYÎ TEQÎNA ŞENIYÎ (PIRBÛNA BÊSÎNOR)

Nehevsengî di navbera hejmara şeniyan û peydakirina pêwîstiyên wan de, dibe pirsgirêk.

Encama pirbûna bêsinor ya şeniyan:

a- Cudahiya şeniyan di vî alî de, cîhanê like du kom:



- **Koma welatênu ji aliye pîsesaziyê ve dewlemend in:** Ji hêla aboriyî ve, xwedî asteke jiyanî ya bilind in. Mînak: welatênu Amerîkaya Bakur, rojavayê Ewropa, Japonya û Awisturalya. Ev welat ji hêla pirbûna şeniyan ve, neguhêr in û di asteke navîn ne; di navbera **10 – 1 %** di salê de ye. Rêjeya şeniyên wan ji 20% şeniyên cîhanê ye, lê **80%** ji heyber û dahatî di destênu wan de ne. Ji ber ku ev welat, dishilstdar in, sererd û binerda welatênu hêşînbûyî, di destênu wan de ne.

Koma welatên hêşînbûyî:

Di asteke jiyanînî ya lawaz de dijîn. Piraniya welatên Parzemîna Asya, Afrîka û Amerîkaya Latînî, di vê komê de cih digirin. Rêjeya pirbûnê di navbera **30 – 35 %** di salê de ye. Rêjeya şeniyêwan **80%** ji şeniyênen cîhanê ye. Çandinî û lawirvanî bingeha debara jiyana wan e. Di hilberîneke lawaz, pîsesaziyekek mezêixer û sînordarkiriye, heyberên xwe yên binerd û xam, bi kar tanîn ji bo koma welatên dewlemend. Deshilatdariya welatên hêşînhattî, di pêşketina gel û aboîya xwe de, nahezirin; tenê têkiliyê xwe bi welatên desthilatdar re xurt dikin, ji bo parastina berjewendiyênen xwe yên taybet.



b- Bilindbûna diyardeya xizanî û birçîbûnê:

Di welatên hêşînhatî de, pirbûna bêşînor a şêniyan, dêhêle xizanî û birçîbûn pir bibin. Ev diyarde li welatên Afrîka û Amerîkaya Latînî, tê dîtin.

c- Bilindbûna navîniya sermiyaniyê: Di welatên pîşesaziyê de, her kesek debara xwe dike, yan jî debara xwe û kurê xwe dike. Lê di welatên hêşînhatî de, navîniya sermiyaniyê dîghêje 7 kesan; ango kesek 7 kesan, xwedî dike.

d- Daketina asta tenduristiyê:

Di piraniya herêman de, pirbûna şêniyan a bêşînor, lawaziya xizmetên tenduristî, derdixe pêş; lawazbûneke giştî di rîbazên xweparastinê ji nexweşîyan û hişmendiya tenduristî de, çêdibe. Di encamê de, belavbûna êş û nexweşiyêngirî, derdikevin.

e- Geşdana bajarbûnê û mezinbûna bajaran:

Ji encama penaberîya şêniyan bi taybet ber bi bajaran ve, mezinbûma bajaran çêdibe û pirsgirêkên curbicur yên mezin derdikevin. Ev penaberî nehevsengiyekê di navbera bajar û gundan de çêdike û berhemên gundan bi paş de, vedigerin.

f- Aloziyêñ aboriyî:

Mînak: belavbûna bêkariyê, nizimbûna mûçeyan, pirbûna xwestina heyberan û ketina heyberan bin destêñ dewletên deshilatdar .

**Çareyên hatine dîtin ji bo çêkirina hevsengiyê di navbera
hejmara şenî û heyberan de:**

1- Çareya dîmografi:

Piraniya welatên cîhanê ber bi birêkûpêkiya malbatî ve diçin.

2- Geşedana aboriyî:

Di welatên ku pirbûna şenîyan, bêşînor be, dewlet pilanêن
geşedanê datîne, bi armanca peydakirina xwarin û
pêwîstiyan, bisûdgirtinê, mîna:

- Tîknolojiya çandiniyê ji bo bilindkirina asta hilbirînê.
- Avakirin di herêmên bêsûd de û sûdgirtin ji heyberên nû.

3- Geşedana mirovî: Pêşxistina tenduristî, zanîn, jêhatî û
bikaranîna van hêzan, di hilbirînê de.



- 1- Pirbûna şêniyan, cîhan kir du kom, rave bike.
- 2- Ji bo hevsengî di navbera pirbûna şêni û heyberan de çêbibe, çi çare hatine danîn?

Lêkolîn:

Di demêñ berê de, pirbûna şêniyan weke hêz dihat naskirin û di dema niha de wek metirsiyekê tê dîtin, lêkolîn bike.

BEŞÊ DUYEM





ARMANCÊN BEŞÊ

**Wê xwendekar di dawiya vê beşê
de fêrî:**

- 1- Sînorê Kurdistanê bibe.
- 2- Rûerda Kurdistanê bibe
- 3- Avhewaya Kurdistanê bibe.
- 4- Av û xaka Kurdistanê bibe.
- 5- Şînatî û lawirvaniya li
Kurdistanê bibe.

KURDISTAN

♦ Jiyolojiya Kurdistanê:

Erdnîgariya Kurdistanê, di serdema jeolojîk a sêyem (Neozoîk) de gihîştiye çêkera xwe ya jeolojîk. Girêdayî pergala çêbûna çiyayê (Orojeneza) Alp û Hîmalayayê. Toros û Zagrosên Kurdistanê jî di vê serdemê de çêbûne. Di serdema jeolojîk a çarem (Antropozok) de, awayê xwe yê fizîkî temam kiriye.



♦ Cihê Kurdistanê:

Kurdistan, welatekî parzemîna Asyayê ye. Di nîvgirovera bakur de, li Rojhilata Navîn û di navbera parzemînên Asya, Ewrûpa û Afrîkayê de, cih digire.

◆ **Dirêjahî û firehiya Kurdistanê:**

Di navbera giroverên panayiyê 32° - 42° bakurê Nîvqatbirê, xêzên dirêjahiyyê 36° - 51° rojhilatê Girênetşê bi cih dibe. Ji Sêwasê li bakur heya Loristanê li başûr 1110 km dirêj e û ji bajarê Mereşê li rojava heya Gola Urmiyeyê li rojhilat, 750-800 km fireh e.



◆ Sînorê Kurdistanê:

Li rojhilat Îran, li rojava û bakur Tirkîye, li başûr Îraq, li başûrê rojava Sûriye û li bakurê rojhilat jî bi Gurcîstan û Ermenîstanê re sînordar e.



◆ Rûbera Kurdistanê:

Kurdistan, di navbera firehiyêñ navîn de cih digire. Xwedî bejahiyeke berfireh e. Hem ji welatêñ Ewrûpayê, hem jî ji gelek welatêñ Rojhilata Navîn, mezintir e.

Bi giştî rûpîvana Kurdistanê nêzî 530.000 km^2 e.

◆ **Taybetiyêن Giştî yên Erdnîgariya Kurdistanê:**

- 1- Kurdistan, welitekî çiyayî ye. Di nava pergala rêzeçiyayêن herî ciwan ên Alp û Hîmalayan de cih digire.
- 2- Navîna bilindahiya Kurdistanê, ji rojava ber bi rojhilat ve û ji başûr ber bi bakur ve, zêde dibe.
- 3- Li Kurdistanê çar werzêن salê bi awayekî birêkûpêk têن jiyîn. Li herêmêن cuda yên Kurdistanê, avhewayêن cuda têن dîtin.
- 4- Ji hêla pêkhateyêن xwe yên xwezayî, rewşa avhewa, dewlemendiyêن avê û şînatiyêن xwezayî ve, xwedî dîmenekî rengîn e.
- 5- Ji ber çavkaniyêن xwezayî yên curbicur, avhewaya destdayî û derfetêن çandiniyê, yek ji qadêن ku ji jiyanê re, herî zêde destdayî ye.
- 6- Kurdistan, welitekî bi jêderêن binerd, dewlemend e. Xwedî petrol, komir, hesin û qadêن çandiniyê ye. Ji ber ku ji aliyê çar dewletêن cîran ve hatiye dagirkirin, aboriya wê li pêş neketiye.
- 7- Kurdistan, di Rojhilata Navîn de rista welatê navend, dilîze. Lewra di dîrokê de, yekemîn têkoşîna aboriyî û civakî bi awayekî berfireh, cara yekem li ser xaka Kurdistanê hatiye kirin. Ev têkoşîn, di roja me de jî berdewam e.
- 8- Rêyêن bazirganiya hevrîşm û biharatê ên ku peywendiya bazirganiya welatêن Asya, Ewropa, Rojhilata Navîn û Kafkasyayê bi hev ve girê dide, di Kurdistanê re, derbas dibin.



- 1- Rûerda Kurdistanê di kîjan serdema jeolojî de, pêk hatiye?
- 2- Nexşeya Kurdistanê nîgar bike û li ser nexşeyê tixûbêñ Kurdistanê, nîşan bike.

RÛERDA KURDISTANÊ

Rûerda Kurdistanê, di serdema jeolojîk a çarem (Antropozok) de, awayê xwe yê fizîkî temam kiriye. Endamên ku rûerda Kurdistanê pêk tînin, ev in: çiya, zozan, deşt avêr sererd û binerd, newal, ax, şînatî û hwd. Bi giştî ev hêman, dê di waneyên pêş de, werin dayîn.

◆ **Çiyayê Kurdistanê:**


Çiyayê Kurdistanê her ku ji bakur ber bi başûr ve tê, bilindahiya wan, kêm dibe. Çiyayê Kurdistanê bêtirî xwe li bakur û rojhilatê Kurdistanê, cih digrin, paşê li başûr û rojavayê Kuristanê tê.

• **Çiyayê bakurê Kurdistanê:**

Ji rojhilat ber bi rojava de, dirêj dibin û weke du rêzan têne dabeşkirin:

- Rêza yekem a bakur: Ji çiyayê Çîmen, Kop, çiyayê Mûnzir û Alahûekber, pêk tê.
- Rêza duyem a başûr: Rêzeçiyayê Torosê, ji bajarê Mereşê heta Colemêrgê dirêj dibe.
- Piraniya çiyayê volkanî yên Kurdistanê, çiyayê vemrîne.
- Mînak: Agirî yê Mezin, Agirî yê Biçûk, Nemrûd, Sîpan û Tendurek. Ev çiya li bakurê Wanê cih digirin.
- Çiyayê Qerejdaxa Amedê, di navbera Deşta Amedê û Rihayê de, cih digire.

- Çiyayê Cûdî, Herekol, Gabar, Cîlo, Çarçela, Sumbul, Kato û Satê, hene.



- **Çiyayê rojhilatê Kurdistanê:**

Ji bakur ber bi başûr ve çiyayê Çilîkan, Serdeş, Reş, Mûkiryan û Rrêzeçiyayê Zagros in.

Li başûrê herêmê çiyayê Şaho, Dalaho , Paraf, Wiştirankew, Çiyayê Mezin, Spî û Qqendîl ên herî girîng in.

Rêzeçiyayê Zagrosê: Ji

Geliyê Şîn heta Alanê, dirêj dibe û ji bakur ber bi başûr ve, ji Agirî heta Loristanê dirêj dibe. Her wiha ber bi herêma Şîrazê ve belav dibe. Dirêjahiya wan1000 k.m ye.



- **Çiyayê başûrê Kurdistanê:**

Weke du rêzeçiyayan dirêj dibin:

- Rêzeçiyaya başûrê Kurdistanê ya yekem: Ji Çiyayê Bêxêr, Bagirman, Akrê, Sefîn, Bazîyan û Qeredaxê, pêk tê.
- Rêzeçiyaya duyem: Bakurê rêza yekem e; ji çiyayê Barê, Herîr, Beranan û Çiyayê Heserosê, pêk tê.

- **Çiyayê rojavayê Kurdistanê:**

Di vê herêmê de, ciya kêm in û ne bilind in. Mînak: Çiyayê Kezwanan, Qereçox, çiyayê Hawarê û Kurmênc.



♦ **Zozan:**

Çand û toreya zozanvaniyê, bi awayekî berfireh li Kurdistanê tê meşandin û parçeyeke jiyana kurdewariyê ye. Ji mêj ve, heya roja me ya îro, gelê kurd, zozan bi armanca xwedîkirina lawir û seyrangehan, bi kar anîne û hîn jî tê bikaranîn.



- **Zozanê bakurê Kurdistanê:**

Zozanê Serhed, Xerzan, Colemêrg, Ferş, Şernex, Besta, Herekol, zozanê Şerfedîn û Mûnzirê, hene û di nava xwe de, bi dehan zozanê din jî dihewînin.

- **Zozanê rojhilatê Kurdistanê:**

Zozanê Hecî Begê, Zozanê Beytelan, ji Girê Celaliyan dest pê dîkin û heya herêma Lolanê dirêj dîbin. Zozanê Kevirê Spî û li dorhêla Makoyê jî, çend zozanê berfireh cih digirin. Li herêma bajarê Sinê û Merîwanê, zozanê Dehgulanê û Zozanê Gola Zirêvarê hene.

- **Zozanê başûrê Kurdistanê:**

Li Başûrê Kurdistanê zozanê Keleşîn, Qendîl, Xinêre û Batûfayê, yên herî girîng in.

◆ Deştên Kurdistanê:

Deşt li Kurdistanê cihekî taybet digrin, ji bakur heta Çiyayaê Kezwanan li rojavayê Kurdistanê dirêj dibin. Piraniya deştên Kurdistanê bilind in. Di nava tevahiya welatên Rojhilata Navîn de, welatê ku herî bilind, Kurdistan e. bilindahiya deştên wê ji asta deryayê 500 metreyî derbas dikin. Di nava van deştên bilind de, deştên nizm jî hene. Mînak: Deşta Meletî, Deşta Îdirê. Bilindahiya van deştan, ji asta deryayê herî kêm, 900 m ye û deştên bilind ji 1500 m bêhtir e. Mînak: Deştên Gever, Mûş, Bazîd, Erdexan, Erzirom û Deşta Qersê ne. Bi giştî, deştên herî girîng ên Kurdistanê, ev in: Li bakurê Kurdistanê deştên Gewran, Tilbişar, Mêrdîn û Amedê, deştên herî mezin ên vê herêmê ne. Li rojhilatê Kurdistanê deştên Urmiye, Mêrgewer, Şarwêran, Kamyaran û Mayîdeşte hene. Li başûrê Kurdistanê deştên Şarezor, Hewlêr, Herîr, Şengal û Kerkûkê cih digirin. Li rojavayê Kurdistanê, piraniya deştên wê berdewamiya Deşta Mêrdîn û Heranê ne. Mînak: Deştên Efrîn, Sirûj, Girkê Legê û Qamişlo.





- 1- Hêmanêن sereke yên rûerda Kurdistanê, diyar bike.
- 2- Çima deştêن Kurdistanê, bilind in?
- 3- Hevrûnkirinekê di navbera herêmên Kurdistanê de, ji hêla çiyayan ve, çêke.

AVHEWAYA KURDISTANÊ

Ji ber bilindahiya xaka Kurdistanê (çiya û zozanan) ku sînorê Kurdisatanê ji rojhilat heta rojava digire û dirêjahiya wê li ser gelek giroverên panahiyê, hişt ku hin cureyên avhewayê li Kurdistanê peyda bibin.

◆ **Karîgerên ku bandorê li avhewaya Kurdistanê dikan:**

• **Cihê erdnîgariyê:**

Kurdistan di navbera giroverên panayiyê 32° - 42° bakurê Nîvqatbirê cih digire; ango di kembera hênik ber bi germ ve ye.

• **Rûerd:**

Rûerda Kurdistanê çiyayî ye. Bi bilindbûnê re pileya germahiyê kêm dibe, vê yekê hişt ku cudahî di navbera avhewaya Kurdistanê û hêrêmên din ên ku li ser vê kembera germahiyê ne, çêbibe.

• **Belavbûna bejahî û avê:**

li Kurdistanê pir çem û gol hene û bi avê dewlemend e. Kurdistan dûrî deryayê ye, ji ber vê yekê bandorên deryayê lê kêm in . Lê bilindbûna xaka Kurdistanê ji asta deryayê ve, dihêle ku baran û berf lê bibarin.

◆ **Hêmanên avhewayê:**

• **Germahiya havînê:**

Her ku mirov ber bi başûr ve diçe, pileya germahiyê bilind dibe. Bi taybet li deştên rojava û başûr, ji ber nizmbûna herêmê û nêzîkbûna wê ji Rêgeha Kevjal re, tîrêjên rokê nêzî tîkbînê dibin û pileya germahiyê li van herêman dighêje nêzî 43°C .

Li herêmên bakur û bilind pileya germahiyê navîn e. Li çiya û zozanên Kurdistanê, pileya germahiyê nêzî 25°C e. Mînak: Zozanê Serhedê.

- **Germahiya zivistanê:**

Pileya germahiyê ber bi bakur û rojhilat ve kêm dibe. Herêmên çiyayî, pileya sermaya wan, dighêje nêzî -40°C e Mînak: Mahabad û Loristanê.

- ♦ **Dewisîn û ba:**

- **Zivistan:**

Bayê kur: Ji dewisîna bilind a Sîbîrî tê û teybetiya wî, ew e ku zuha û sar e.

Bayê reş (bayê rojhilatî): Ji dewisîna Hindî ya bilind tê, ber bi dewisînê nizm a li ser Deryaya Spî, derbas dibe û baranê dibarîne.

- **Havîn:**

Tevgera ba kêm e, lê bawîş (bayê rojavayî) hênik e. Ew ji Deryaya Spî ji dewisîna bilind a azûrî ber bi rojhilatê Deryaya Spî ve, diherike.

- **Buhar û payîz:**

Di van werzan de, bayên herêmî mîna: Bayên Xumasîn û Simûm, radibin. Ji ber ku ji herêmên biyabanê tê, ew bi xwe re xîzê tînin. Her wiha bayê rojavayî(bawîş) yê hênik jî tê.

- **Barîn:**

Piraniya baranan di zivistanê de dibarin û bi rêjeyeke kêmtir, di buhar û payîzê de jî dibarin. Li başûr nêzî 250 – 500 mm/ di salê de dibarin. Her wiha ber bi bakur û rojhilat ve dighêje 1000 mm/ di salê de dibarin. Di çiya û deverên bilind de, berf dibare û heta mehîn hevînê jî dimîne.



- 1- Karîgerên ku bandorê li avhewaya Kurdistanê dikan, binivîse.
- 2- Hêmanên avhewayê, binivîse.

AVA KURDISTANÊ

Ji ber ku Kurdistan welitekî xwedî çavkaniyêن dewlemend ên avê ye, girîngiyeyeke wê ya mezin heye. Ev taybetiyêن Kurdistanê, wê weke welatakî têrav û cîwarekî destdayî ji bo jiyanê, di Rojhilata Navîn de, destnîşan kiriye. Di sedsala 21'ê de, pêşketinêن weke: bilindbûna rîjeya germahiyê, zuhabûn, rewşen aboriyî û pirbûna şenîyan li seranserê cîhanê, girîngî û pêwîstiya avê jî weke ya petrolê, daye pêş.

♦ Çem:

Kurdistan, xwedî toreke çemên berfireh e. Bi taybetî, herêmên herî têrcem, li bakurê Kurdistanê ne û di rîza duyem de jî rojhilate Kurdistanê tê. Çemên weke: Ferat, Dîjle, Aras û rûbarêن wan mîna: Zêyê Mezin (Zap), Munzûr, û Tartar çemên herî girîng ên bakurê Kurdistanê ne. Hin ji van çeman, tixûbêن welatê me derbas dikan; li derive tevlî golan û deryayan dibin. Çemê Ferat û Dîjleyê avêن xwe vala Kendava Besrayê dikan. Çemê Aras jî ava xwe vala Gola Xezerê dike. Li herêma rojhilate Kurdistanê jî çemên Zêrîncem (Cexeta), Zêyê Biçûk, Şîrwan, Çemê Kizilozan û Çemê Spî, çemên sereke yên rojhilate Kurdistanê ne.

• Çemê Feratê:

Çemê herî mezin ê Kurdistanê ye û li gel Çemê Dîjleyê di rûbereke fireh, di xaka Kurdistanê re, derbas dibe.

Ferat ji çemên Murad, Munzûr, Perê û Avareşê pêk tê. Avareş, ji çiyayêن bakurê bajarê Erzeromê der tê. Murad jî

ji çiyayêن bakur ên Gola Wanê dizê. Her du nêzîkî Kebanê dibin yek û ji wir bi şûn ve, navê Ferat li wan dibe. Ferat, di gelî û navrastêن Elezîz û Meletiyê re, ber bi jêr ve dadikeve. Di navbera Amed, Semsûr û Rihayê de, dizîvire û dikeve Deşta Dîlokê. Di navbera Deşta Tilbişar û Deşta Haranê de, dikeve rojavayê Kurdistanê. Ferat, çemê Kurdistanê yê herî dirêj e; ew 2.800 km dirêj e. Di nav axa Kurdistanê re 1.100 km derbas dibe û li Îraqê ew û Dîjleyê dibin yek û navê wî dibe, Şetulereb.




- **Çemê Dîjleyê:**

Du çavkaniyên bingehîn ên Dîjleyê hene.


- Çavkaniya yekem: Çiyayêن Master û Sarêyê ku nêzîkî Gola Hezarê ne.
- Çavkaniya duyem: Ji herêma Licê, ji Bilqileynê derdikeve. Her wiha çemên Maden û Biriqleynê nêzîkî bajarê Eglê, dibin yek û Çemê Dîjleyê pêk tînin. Dîjle, di nav bajarê Amedê re, ber bi Bismilê ve şax dide û ava çemên Reş û Embarê têr ser. Piştre ava çemên Batman, Xerzan û Botanê têr ser û hîn xurtir û bi hêztir dibe. Di Heskîfê re, ber bi Cizîrê ve diçe û dadikive başûrê Kurdistanê. Ji Mûsilê û bi şûn ve, ava Zêyê Mezin û Zêyê Biçûk(Avaşîn) têr ser. Ji herêmên

Lolan, Şemzînan û Geverê jî çemekî têrav tê ser Zêyê Biçûk ku jê re dibêjin Ava Heyatê. Ya herî dawî jî ji Zagros û herêma Îranê, ava Çemê Sîrwanê dikeve ser ava Çemê Dîjleyê. Dîjle ji aliyê dirêjbûnê ve, çemê Kurdistanê yê duyem e. Dîjle ji serî heta dawî 1900 km dirêj e. Bi tevahî, 600 km di nav axa Kurdistanê re derbas dibe. Li başûrê bajarê Bexdayê, Dîjle û Ferat dibin yek û êdî jê re dibêjin Şetulereb.



• Çemê Arasê:

Ji Çiyayê Bingolê der tê û ji Erziromê dikeve tixûbên Qersê û ber bi Hezarê ve diherike. Çemê Arpayê jî şaxeke Çemê Arasê ye, ava xwe vala Çemê Kurayê dike. Dirêjahiya Çemê Arasê 1072 km ye.



◆ **Golêن Kurdistanê:**

Golêن Kurdistanê dibil du cure:

- **Golêن çêker:**

Kurdistan welitekî têrçem e, ji ber vê yekê li ser van çeman, gelek bendav hatine avakirin. Di encama avakirina van bendavan de, hejmareke zêde golêن bendavî çêbûne. Mînak: Gola Bendava Tehteresê, Keban, Mûsil, Reqa û Dokanê.

- **Golêن xwezayî:**

Li bakurê
Kurdistanê
Gola Nemrûd,
Erçek,
Nazluke û
Masîgolê
hene û li
zozanên Garê
Gola Şîn û
golêن



Birêman hene. Li bakurê Kurdistanê di encama bûyerên volkanî û tektonîk de hin golêن mîna: Gola Nemrûdê li Çiyayê Nemrûdê û li Agiriyê jî Masîgolê, çêbûne.

Li bakurê rojhilate Kurdistanê, bi taybetî li devera Girê Celaliyan hin golêن biçûk hene. Her wiha Li rojhilate Kurdistanê, gola herî mezin a xwezayî Gola Urmiyê ye.

- **Gola Wanê:**

Gola Wanê di rewşa korta girtî de ye û herikîna wê ji derve re tune ye. Di encama teqîna volkanî ya Çiyayê Nemrûdê de, çêbûye. Rûpîvana Gola Wanê 3713 km^2 e. Bilindahiya wê ji asta deryayê, 1646 m ye. Kûrahiya golê, girêdayî rêjeya şiliyê, kêm û zêde dibe. Navîna kûrahiya wê ya giştî, 171 m ye. Cihê herî kûr, nêzî 451 m ye. Li beşa rojhilatê Gola Wanê, giravên Extirman, Çarpanak, Qadir û Girava Çûkan hene. Taybetiyêن dîrokî, geşt û guzarî yên van giravan hene. Ji ber van taybetiyan, ji aliyê dewleta Tirkîyeyê ve, di sala 1990'î de ev girav, weke herêmên arkeolojîk hatine ragihandin. Cihê golê yê herî fireh, di navbera Tetwan û Çemê Behdîmenê de ye û firehiya wê digihêje 125 km yan. Di beravên golê de, navçeyêن Tetwan, Xelat, Edilcewaz, Erdîş û Edremîte cih digirin. Di heman demê de, ev navçe cihên xweşik û geştyariyê ne. Di salê de bi qasî 150-200 ton masî ji golê tên derxistin. Masiyêن ku ji Gola Wanê tên derxistin, ji bo gelê herêmê, dibe derfeteke aboriyî.

◆ **Xakê Kurdistanê**

Cureyên xakê Kurdistanê:

- **Xaka Lêmiştî (aluvyon)**

Binê gelî û deştên Kurdistanê , xakênu ku ji kombûna heyberên mîna: kevirên hûr, xîz, dar, şînatî û bermahiyên din ên ku hatine kêşan û deverine din nixumandine, pêk tê. Ev cureyên xakan, xwedî taybetiyên berhemdar in. Deştên mîna: Deşta Mûş, Heran, Mako û hwd, deştên berhemdar ên welatê me ne. Ew ji aliyê axênu



ku hatine kêşan, hatine pêçandin. Her wiha li derdora çem û rûbarêne mezin ên welatê me, gelek rastgeh hene. Piraniya xaka wan ji axênu hatine kêşan, pêk tê. Ev cureyên xakan, ji heyberên curbicur û mîneralan (kanzayan), pêk tê. Ji ber vê taybetiyê, çandinî li van deveran, tê kirin û xakênu wan, berhemdar in.

- **Xaka qehweyî:**

Li hin herêmên Kurdistanê (rojava û başûr) yên ku avhewaya wan zuha û nîvzuha ye, ev cureya xakê tê dîtin û li van herêman, cihekî berfireh digire. Ev xak ji bo çandiniya dexlûdanan, destdayî ye.

- **Xaka reş:**

Li bakur û rojhilatê Kurdistanê; Wan, Qers, Colemêrg, li rojhilatê bajarê Îdirê û li hin deverên bajarê Meletiyê, xaka reş (çîrniziyom) tê dîtin. Ji ber ku ev xak heyberên lebatî vedihewîne, li cîhanê, xaka herî berhemdar e. Lewma li cihênu ku ev xak lê heye, gelek berhemên çandiniyê yên

mîna: mîwe, dexlûdan, silka şekir û gelek berhemên din ên pêwîst, tên çandin.

- **Xaka sor:**

Rengê wê sor e ji ber bi kanzayan dewlemend e (hesinoksayd). Ew xakeke herî berhemdar e û bi taybet li herêma Efrîn, Kobanê belav dibe û darêن mîwe û zeytûnan li tên çandin.





- 1- Di navbera Çemê Dîjle û Feratê de hevrûkirinekê, çêke.
- 2- Cureyêن xakê yên sereke, şîrove bike.

ŞÎNATIYÊN XWEZAYÎ Û LAWIRÊN KOVÎ

◆ **Şînatiyêن xwezayî:**

• **Daristanêن qoçî:**

Daristanan, rûbereke berfireh ji xaka Kurdistanê dinixumand, piraniya wan ji hêla dagirkeran ve hatin birîn û şewitandin, lê hîn jî li çiya û zozanêن Kurdistanê, di bilindahiya bêhtirî 1000 m yî de, daristana qoçekî tê dîtin. Mînak: darêن çam, û berûyan.

• **Bî û Qamîş:**

Di rûbar û cobaran de şîn têن. Mînak: Rûbarê Xabûrê.

• **Şînatiyêن demsalî:**

Ew şînatiyêن ku di werzêن şîl de, şîn têن û gûr dibin û di destpêka werzêن zuha de, hişk dibin. Mînak: strîzerk, kereng, qinêber, xerdel û parpar...

• **Şînatiyêن ku di warê tenduristiyê de, têن bikaranîn.**

Mînak: giyasêvk, pûng.



Giyasêvk



Pûng


◆ Lawirêñ kovî:

Li ser xaka Kurdistanê pir cureyên lawiran hene. Hin ji lawiran qir bûne mîna: Şêr û hin ji wan kêm bûne mîna: Xezalê (asik). Her wiha hin cureyên lawirêñ din berdewam in, mîna: hirç, keftar, gur, quling, pezkovî, keroşk, mar û hin cureyên firindeyan, mîna êlih û mirîşka avî.



◆ Herêmêñ avhewayî:

Li gorî rewşen avhewayî, em dikarin Kurdistanê li ser sê herêmêñ avhewayî, dabes bikin:



- **Herêmên sar (çiyayî):**

Li herêmên çiyayî cih digire. Mînak: herêmên çiyayê Toros û Zagrosê (Sêwas, Erezrom, Maku, Ekbetana). Li vê herêmê zivistan dirêj, sar û bibaran e. Bilindahiya wê ji asta deryaê 2000 m ye û barîna berfê bêtir e. Havînan pileya germahiyê bilin dibe û di asta navîn de dimîne û avhewya wê, xweş e.

- **Herêmên hênik (herêma Deryaya Spî ya hundirîn):**

Di zivistanê de germahiya wê navîn e û bişilî ye, piranî bibaran e. Havînan germ û zuha ye. Mînak: Efrîn, Kobanê, Qamişlo, Zaxo û Merdînê.

- **Herêma germ (nîvçolistan):**

Li Hesekê û Hewlîrê bibandor e. Zivistanan pileya germahiya wê nizm e, şilî û baranên wê kêm in. Havînan germ û zuha ye.



- 1- Kurdistan li ser çend herêmên avhewayî tê dabeşkirin? Wan rave bike.
- 2- Cureyên şînatiyêñ xwezayî yên Kurdistanê, binivîse.

ERDNÎGARIYA MIROVÎ



◆ **Şenî û çalakiyên aboriyî:**

Şenî: Di rêya nivîsgeh û sazûmaniyên navnetewî re, tu serjimariyên hurnerîn, çênebûne. Li gel dewletên ku Kurdistan dagir kirine, ev mijar veşartî maye, ji ber ku nedixwestin kurd weke neteweke xwedîmaf û hejmarî bêñ dîtin û her dem hejmara wan hindik diyar dikirin. Lê li gorî jêhilanînan, hejmara kurdan nêzî 45 – 50 milyon kesî ye. Li Kurdistanê netewêñ mîna: ereb, suryan, şerkes û turkmenan jî hene. Hejmareke ji kurdan li derveyî Kurdistanê, li bajarêñ mazin ên welatêñ ku Kurdistan dagir kirine, mîna: Stenbol, Enqera, Dîmeşq, Bexda û Xuresasn, dijîn.. Her wiha kurd li pir welatêñ cîhanê jî belav bûne.

Belavbûna şenîyan girêdayî avhewa, xak û pîsesaziyê ye. Li gorî van mercan, em dikarin şenîyan li gorî belavbûnê, bikin sê bes:

- **Herêmên pirşêni:** Li deştan, li rex gelî, rûbar û çeman belav dibin. Mînak: Deşta Amed û Hewlêrê.
- **Herêmên navîşêni:** Li hermêن nîvçolistan belav dibin. Mînak: Hesekê û başûrê Hewlêrê.
- **Herêmên kêmşêni:** Li herêmêن çiyayî û daristanan belav dibin. Mînak: Çiyayêن Toros û Zagrosê .

◆ **Bajarêن Kurdistanê yên sereke:**


- **Amed:**

Li Mozopotamya Jorîn li ser Çemê Dîjleyê cihê xwe digire. Ji ber ku Keleha Amedê û gundê Çemê Koteberê lê hene, bajarekî dîrokî ye. Rûbera wî nêzî 15.272 k.m^2 e. Şeniyêن wî li gorî jêhilanîna 2018'an, di ser 2 milyonan re ye.



- **Hewlêr:**

Bajarekî dîrokî ye, li başûrê Kurdistanê nêzî Çemê Zayê Mezin, cih digire. Keleha Hewlêrê, vê dîrokê nîşan dide. Şkefta Şanîdanê li ser Çiyayê Biradostê, di navbera Silêmaniyê û Hewlêrê de, cih digire. Rûbera wê nêzî 13.165 km^2 e. Şêniyên wê li gorî jêhilanîna 2017'an nêzî 2 milyon kes in.



- **Kirmanşah:**

Li rojhilate Kurdistanê cih, digire. Li Kirmanşahê cihêن dîrokî hene. Mînak: Keleha Anahîtayê, Şkefta Qorî, rûbera wê 25.009 km^2 e. Şêniyên wê li gorî pêşbîniya 2016'an nêzî 2 milyon kes in.

- **Qamişlo:**

Li rojavayê Kurdistanê cih digire. Her wiha cihêن dîrokî lê hene. Mînak: Orkêş, Çaxirbazar. Rûbera bajarê Qamişloyê nêzî 40 km^2 e.

◆ Çalakiyêن aboriyî

Sererd û binerda Kurdistanê bi berhem û kanzayêن xwe dewlemend in. Rabûnanêن çalakiyêن aboriyî li Kurdistanê hene:

- **Xaka berhemdar:** Li Kurdistanê xakêن curbicur hene. Ew xak ji çandiniya dexilûdan, dar û şînatîyan re destayî ye.
- **Ava sererd û binerd:** Kurdistan bi çem, kanî, gol û avêن binerd, pir dewlemend e û girîngiya wê di çandinî û gerînê de, heye.
- **Avhewaya guncaw:** Her çar demsal li Kurdistanê têن jiyîn û ev dihêle ku berhemên curbicur peyda bibin.
- **Cihê Kurdistanê:** Cihê Kurdistanê ji bo bazirganiyê cihekî stratîjîk e. Kurdistan, welatêن pîsesaziyî û welatêن nûjen, pev ve girê dide. Mînak: Asya û Ewropa.
- **Destkarî:** Şoreşa çandiniyê li Mozopotamyayê, dest pê kirye, ji ber vê yekê, di milê çandinî û lawirvaniyê de, mirovêن vê xakê, pisporiyeke wan heye.

◆ Çandinî:

Dirêjbûna Kurdistanê li ser giroverêن panayiyê ya herêma hênik, dihêle ku çandinî lê guncaw be. Hin karîgerên din jî bandorê li çandiniya Kurdistanê, dikan. Mînak: Rûerd û çiyayêن Kurdistanê, dihêlin ku avhewayeke sar peyda bibe. Di encamê de, çandiniyêن guncaw li Kurdisatanê peyda dibin.

Her wiha, avêن ku diherikin, dihêlin berhemên çandiniyê, baş bin.

Li hin herêmên Kurdistanê, avhewa û baranêن ku di salê de, bêtirî 1000 mm be, bandorê li cureyêن çandiniyê û berhemdariya xakê dikan.

◆ Cureyêñ berhemêñ çandiniyê:

- Bêtirî nîvê xakêñ bikêrhatî ji çandiniyê re, dexilûdan lê tê çandin.

- **Genim:** Li herêmên hênik, avî û bejî, tê çandin. Hin cureyêñ genim hene, mîna: terî, qasî û hwd li Kurdistanê, têñ çandin.

Berhema genim têra mezaxtina Kurdistanê, dike.

Genim, di pîsesaziya tîmarî de jî tê bikaranîn. Mînak: makerona û piskewît û hin jî ji derve re tê derfirotin.

Li piraniya Kurdistanê berhema hêktarê genimê avî, digihêje 5.5 – 6 tonî. Berhemdariya bejî dighêje nêzî 3 – 4 tonî.

Li Kurdistanê navîna berhemdariya genim(avî, bejî) dighêje 2.5 – 3.5 tonî.

- **Ceh:** Li herêmên ku genim lê tê çandin, ceh jî tê çandin û li herêmên ku berhemdariya xak û baranên wê kemtir in ceh tê çandin, ji ber ku ceh ji genim bêhtir xwe li ber zuhayiyê digire.


Ceh ji lawiran re weke êm tê bikaranîn û hin jê ji bo pîsesaziyê tê bikaranîn û yên din tê derfirotin.

- **Birinc:** Birinc yek ji berhemên herêmên germ e û avê pir dixwaze. Ev merc li başûrê Kurdistanê peyda dibe. Mînak: Silêmaniyê. Lê çandiniya birincê li van deveran bi paş de vege ri yaye.

- **Baqilden (Reştene):** Li kurdistanê tê çandin, lê rêjeya wê ne weke ya genim û ceh pir e. Her wiha têra mezaxtina şeniyên Kurdistanê jî dike.
 - **Nîsk:** Piraniya xwe li Dêrik û derdora wê tên çandin. Piraniya nîskan, bejî tên çandin.
 - **Nok:** Li hin deveran bi rûberên biçûk tên çandin. Li Dêrikê bi rûberên berfireh, tên çandin.



- 1- Rabûnanên çalakiyêن aboriyî li Kurdistanê, binivîse.
- 2- Rabûnanêن çandiniyê li Kudistanê, binivîse.
- 3- Piraniya şêniyêن Kurdistanê li ku derê, belav dibin?



60

BEŞÊ SÊYEM





ARMANCÊN BEŞÊ

Wê xwendekar di dawiya vê beşê de fêrî :

- 1- Rûerda Sûriyeyê bibe.
- 2- Avhewaya Sûriyeyê bibe.
- 3- Teybetiyên şeniyî û pîsesaziya Sûriyeyê, bibe.

SÛRIYE




- **Cihê erdnîgariyê:** Li başûrê rojavayê parzemîna Asyayê, cih digire.
- **Dirêjahî:** Di navbera giroverên panayiyê $32^{\circ} - 37^{\circ} 30'$ bakurê Nîvqatbirê û navbera xêzên dirêjahiyê $35^{\circ} 30' - 42^{\circ}$ rojhilate Girînêşê (tevî bakur û rojhilate Sûriyeyê), cih digire.

- **Sînor:** Li bakurê wê Kurdistan (bakurê Kurdistanê, li gorî nexşeyên iro), li rojhilat Îraq, li başûr Urdin û li rojavayê wê, Orşelîm, Libnan û Deryaya Spî, cih digirin.
- **Rûber:** 185,180 k.m² e.

◆ **Ji hêla erdnîgarî ve Sûriye dibe çar herêm:**

- Herêma beravî.
- Herêma çiyayî.
- Herêma deştên hundirîn.
- Herêma biyabanî.



◆ Çiyayê Sûriyeyê:

Li xaka Sûriyeyê gelek çiya hene:

- **Çiyayê Kurdan:**


Li parêzgeha Laziqiyê, di navbera Çemê Elkebîr ê bakur û Elkebîr ê başûr dirêj dibe. Dirêjahiya wî 130 km ye.

- **Çiyayê Qelemûnê:**

Ev rêzeçiya, li rojavayê Sûriyeyê, cih digire. Çiyayê Heremûnê beşeke jê ye û lütkeya herî bilind li Sûriyeyê ye. Bilindahiya wî 2814m ye.

- **Çiyayê Dirûzê:** Beşê başûrê rojhilatê Zozana Horanê ye.

- **Rêzeçiyayê Palmîrayê:** Ber bi bakurê rojhilat û başûrê rojava, dirêj dibe û dirêjahiya wî 240 k.m ye.



◆ **Deşt:**

Rûbereke fireh ji deştan, li Sûriyeyê heye ku bilindahiya wê kêmî 200m ye. Mînak: Deşta Horanê li başûr, Deşta Humisê û deştên bakur û rojhilatê Sûriyeyê.

◆ **Zozan:**

Zozanêñ Palmêra, Horan û Helebê.

◆ **Berav:**

Dirêjahiya beravê Sûriyeyê, li ser Deryaya Spî 193 k.m ye. Ew ji Tertûsê heta Rasulbesîtê, dirêj dibe.

◆ **Biyaban:**

Di erdnîgariya Sûriyeyê de, ew herêma herî berfireh e; ji başûrê rojava heta bakurê rojhilat, dirêj dibe û li ser çar beşan, belav dibe

- Biyabana Dêra Zorê
- Biyabana Şamê
- Biyabana Palmêrayê
- Biyabana Hemadê li başûr



- 1- Ji hêla erdnîgariyê ve, Sûriye dibe çend herêm? Wan binivîse.
- 2- Cihê Sûriyeyê û tixûbêñ wê, diyar bike.
- 3- Navêñ hin çiya û deştêñ Sûriyeyê, binivîse.

AVHEWAYA SÛRIYEHÊ

Deryaya Spî li ser avhewaya Sûriyeyê bibandor e; zivistanan bibaran e û havînan germ û zuha ye.

◆ Karîgerên ku bandorê li avhewayê dikan:

- **Cihê erdnîgarî:**

Sûriye li ser giroverên panayiyê $32^{\circ}, 19'$ - $37^{\circ}, 20'$ li bakurê Nîvqatbirê cih digire û vê yekê hişt ku ew di bin bandora avhewaya hênik a ber bi germ ve, bimîne.

- **Rûerd:**

Ji ber dirjahiya rêzeçiyayêن beravî, li hemberî bandorêñ deryayî, ev yek dibe sedem ku bandorêñ deryayî, negihêje hundirê Sûriyeyê.

◆ Hêmanêñ avhewayî:

- **Germahî:**

Havîn: Ji rojava ber bi rojhilat ve û ji bakur ber bi başûr ve, pileya germahiyê bilind dibe.

Zivistan: Ji rojava ber bi rojhilat ve û ji başûr ber bi bakur ve, pileya germahiyê kêm dibe.

- **Ba:**

Havîn: Tevgera ba kêm e û hin caran bayê rojhilatî, radibe.
Zivistan: Bayê rojhilatî ber bi dewisîna nizm ve, ya li ser Deryaya Spî tê û paşê baran dibare û bayê bakurî yê sar û zuha jî tê.

- **Baran:**

Zivistan: Li rojava û bukur baran dibare û her ku ber bi başûr ve diçe, kêm dibe.

◆ Herêmê avhewayî:

- **Herêma bejahiyê ya bişilî:**

Herêmê berav û çiyayê beravî, cihêن xwe tê de digrin.

- Li herêmê beravî, havîn hênik e û li çiyayan sar e.

- Li vê herêmê, daristanêن mîna: selwî û çam hene.

- Lawirêن wê: keroşk, sîvorî, legleg...



- **Herêmê bejahî yêن nêzşiliyê:**

- Herêmê hundirîn cihê xwe tê de, digrin.

- Havînan germ e.

- Darêن wê mîna berû, sindiyan,...

- Lawirêن wê mîna: gur, sivorî, kew, legleg...

- **Herêmê zuha :**

Li hemû

deverêن

biyabana

Sûriyeyê, cih

digrin û

baranêن wê pir


kêm in. Her

wiha cudahiya

germahiyyê, di

navbera şev û

rojê de pir e; bi şev sar e û bi roj germ e.



- **Herêma biyabana Sûriyeyê:**


Baranêن wê kêm in.

Şînatiyêñ wê ji cureyêñ bistrî ne.
Lawirêñ wê xezal û keroşk in.

◆ Çemên Sûriyeyê

Ji çemên ku li Sûriyeyê diherikin:

- **Asî:** Çavkaniya wî li Libnanê li Zozanê Be'lbekê ye. Dirêjahiya wî 571 k.m ye, jê 525 k.m di xaka Sûriyeyê re, derbas dibe. Her wiha ava wî vala Deryaya Spî dibe.
- **Çemê Elkebîr Elşemalî:** Çavkaniya wî li çiyayêñ Laziqiyê ye. Dirêjahiya wî 80 k.m ye û ava wî vala Deryaya Spî dibe.
- **Çemê Beredayê:** Çavkaniya wî
- Kaniya Beredayê ye (başûrê Zebedanî). Bereda, di Şamê û navçeyêñ wê re derbas dibe û ew çemekî girîng e. Dirêjahiya wî 71 k.m ye û ava wî vala Gola Eluteybâyê (başûrê rojhilatê Şamê) dibe. Her wiha hin çemên din jî li Sûriyeyê hene, mîna: Sacûr, Ehweç...



◆ Gol:

- **Gola Qetînayê:** Ew li rojavayê Sûriyeyê, nêzî 12 k.m dûrî bajarê Humsê ye. Ew ji kombûna ava Çemê Asiyê çêbûye û rûbera wê 61 k.m^2 e.
- **Gola Mizêrîbê:** Li parêzgeha Dera'ayê; navçeya Mizêrîbê (başûrê Sûriyeyê) cih digire. Ji bo ava

vexwarinê li Dera'a û Siwêdayê, ew jêdera bingehîn e û
rûbera wê $1\text{k.m}^2\text{e}$.

Hin golên din jî hene, mîna: Meseda, Cebûl û Eluteybayê.




- 1- Karîgerên ku bandorê li avhewaya Sûriyeyê dikan, binivîse.
- 2- Hevrûkirinê di navber çemên Asî, Elkebîr Elşemalî û Beredayê de, çêke.

ŞÊNÎ

Şêni li gorî avhewa, rûerd, berhemdariya xakê, peydabûna kar û rewşa ewlehiyê, li herêmên guncaw, belav dibin.

♦ Li gorî tofbûna şêniyan, Sûriye dibe sê herêm:

- **Herêmên pirşenî:** Heleb, Şam, berava Deryaya Spî û hermên hundirîn, mîna: Hûmis û Hemayê.
- **Herêmên navînşenî:** Ev herêm li bakur û rojhilatê Sûriyeyê cih digirin. Mînak: Qamişlo, Hesekê, Dêra Zorê, Reqa Kobanê û Efrînê. Gelek şêniyên Sûriyeyê ji ber peydabûna ewlehiyê, li Qamişlo, Hesekê, Amûdê, Serêkaniyê û Dêrikê bi cih bûne.
- **Herêmên kêmşenî:** Li rojhilatê Sûriyeyê cih digirin. Mînak: Hemad.



◆ Çandinî û berhemên çandiniyê:

Li Sûriyeyê girîngiya çandiniyê di milê aboriyî de heye, ji ber ku rêjeyeke pir ji aboriya Sûriyeyê li ser çandiniyê ye.

Nîvê karkeran Sûriyeyê bi çandiniyê ve mijûl dabin, lê hin pirsgirêkên çandiniyê hene. Mînak: peyhevhatina salêن zuha, biyabanîbûn û şorbûna hin rûberêن xaka Sûriyeyê.

Rabûnanêن çandiniyê yên bingehîn:

- Cihê Sûriyeyê li ber beravê rojhilatê Deryaya Spî, hişt ku derfirotin û derkirîn bi bazarê Ewropayê re, xurt bibin.
- Bandora avhewaya Deryaya Spî ji rojava ber bi rojhilat ve û cudahiya avhewaya ji başûr ber bi bakur ve.
- Berhemên çandiniyê yên curbicur.
- Jêhatiyêن şenîyan di çandiniyê de.

◆ Şêweyêن çandiniyê:

• Çandiniya avî:


Li herêmên beravî, navîn û li hin deverêن bakur û rojhilatê Sûriyeyê, berhemên çandiniyê yên bi vî şêweyî neguhêr in. Berhemên vê çandiniyê: dexilûdan, sebze, mîwe..

• Çandiniya bejî (dêm):

Li herêmên ku barana wan têra çandiniyê dike, tê dîtin. Ji ber guhertina qaseya baranê ji salekê heta saleke din, berhemên çandiniyê bi vî şêweyî, guherbar in. Berhemên vê çandiniyê: dexilûdan, zîre û beqildan..

♦ Berhemên çandiniyê

- **Dexilûdan:** Li piraniya herêmên Sûriyeyê tê çandin. Piranî bejî ye ji ber vê yekê, berhemguhê e.
- **Genim:** Nîvê xakêñ bikêrhatî ji çandiniyê re, genim lê tê çandin.
- **Ceh:** Ji hêla rûberêñ çandiniyê ve, li dû gemim tê. Di xakêñ berhemdar û baranêñ wan kêmter, tê çandin.
- **Garis:** Avî ye û havînan tê çandin. Li Humis, Hema û Reqayê tê çandin.
- **Baqildan:** Ji ber peydabûna birotînê tê de, ew xwarineke girîng e. Her wiha, ji ber ku azotê dihewîne, ji xakê re bisûd e. Mînak: Nîsk û Nok.
- **Sebzê:** Avî ne, rûberêñ çandiniya wan fireh bûne û cureyêñ wan pir bûne. Li dora bajaran, di çandiniya wan de, rîbazêñ pêşketî, têñ bikaranîn. Mînak: bacanê sor û reş, pîvaz, xirtik, îsot...



◆ **Darêñ mêtweyan:**

Li Sûriyeyê nêzî 20 cureyên darêñ mêtweyan, têñ çandin û piranî li hundir, têñ mezaxtin. Mînak: Zeytûn, tirî, sêv...

- **Berhemêñ çandiniyê yên pîşesazî:** Ev berhem, di pîşesaziyê de têñ bikaranîn û di Sûriyeyê de ji berhemêñ sereke yên derfirotinê ne. Mînak: pembo, silka şekir, tütin, baqil.
- **Daristan:** Li Sûriyeyê rûbera wan nêzî 500 hezar hêktarî ye. Mînak: daristanêñ herêma çiyayêñ rojava, çiyayêñ hundir û başûr.



- 1- Herêmên belavbûna şêniyan li Sûriyeyê, binivîse.
- 2- Şêweyêن çandiniyê li Sûriyeyê bi ci awayî ne? Rave bike.
- 3- Li ser darêن mîweyan li Sûriyeyê, binivîse.

PÎŞESAZÎ Û GERÎN

◆ **Pîşesazî:**

Ji hêla girîngî û aboriyê ve, di asta duyem de, tê. Piraniya kargehên Sûriyeyê dûrî heyberên xam û destkaran, hatine avakirin. Mînak: Heleb, Humis, Şam û Tertûs.




◆ **Pîşesaziya bideranînê:**

- **Petrol:** Piraniya wê li bakur û rojhilate Sûriyeyê tê derxistin û ji bo Humis û Banyasê tê veguhestin û li wir tê parzûnkirin.
- **Gaza xwzayî:** Ji zeviyê petrolê û yên taybet pê, tê derxistin û li Rimêlan û Siwêdiyê cih dignin.



- **Fosfat:** Ji kangehêن Palmêrayê(Xinêfîs, Elşerqiya) tê bidestxistin û ew jî ji cureyên fosfata baş e.
- **Xwê:** Ji cureyên wê, xwêya xwerû û ya kevirî heye. Ev xwê ji kangehêن Tibnî tê bidestxistin. Her wiha hin cureyên xwêyê ji Çibisa, Cebûl û Bewarayê tê bidestxistin.
- **Qîr:** Ji Kefreya (bakurê rojhilatê Laziqiyê), Çiyayê Bişrî û ji parzûkirina petrolê, tê bidestxisin.
- **Hesin:** Li Zebedanî, Raco û Qedmûsê hatiye dîtin, lê rîjeya wê kêm e.
- **Kukurt (Sulfor):** Bi rîjeyeke kêm li Serê Kaniyê, tê derxistin. Her wiha bi rîya çarekariya gaza xwezayî li Siwêdîkê jî tê bidestxistin.



◆ GERÎN:

Mercên pêşxestina gerînê li Sûriyeyê, hene. Mînak: xwezaya xweşik(berav, çem, çiya, deşt û zozan) bajar û deverên dîrokî.


Rabûnanêن gerînê:

- **Rabûnanêن xwezayî:** Mîna rewşen avhewayê, beravên hênik û sûlav.
- **Rabûnanêن mirovî:** Şûnewarên dîrokî mîna: Palmêra, Şama Kevn, Telhelef û Girê Mozan.



- 1- Pîsesaziyêن bideranînê, binîvîse.
- 2- Rabûnanêن gerînê li Sûriyeyê, binîvîse.

BEŞA ÇAREM






ARMANCÊN BEŞÊ

Wê xwendekar di dawiya vê beşê de fêrî:

- 1- Erdnîgariya bakur û rojhilatê Sûriyeyê, bibe.
 - 2- Avhewaya bakur û rojhilatê Sûriyeyê, bibe.
 - 3- Ava ku li bakur û rojhilatê Sûriyeyê, bibe.
 - 4- Taybetiya şeniyî û çalakiyên mirovî, bibe.
- 

HERÊMA BAKUR Â ROJHILATÊ SÛRIYEVÊ

Ji sê herêman pêk tê: Cizîr, Ferat û Efrînê.



◆ Bakur û rojhilatê Sûriyeyê:

Di encam û berdawamiya Şoreşa Rojavayê Kurdistanê de û piştî şerê navxwyî yê Sûriyeyê, herêma rojavayê Kurdistanê ya ku dikeve bakurê Sûriyeyê, xwe ji şerê navxweyî yê ku li Sûriyeyê rû da, dûr xist û xeta sêyem, helbijart. Ev xet, ne bi rêjîmê ve û ne jî bi çekdarên ku navê opizisyonê li xwe dikin, girêdayî ye, lê bi rêvebirina civak û paristana wê herêmê ve, girêdayî ye. Piştî şerên dijwar, bi hêzên çete û terorîst re yên ku êrîşî van deveran ji bo vîna gelê herêmê bişkinin, dikirin, li rojavayê Kurdistanê Rêveberiya Xweser,

hat ragihandin. Biratiya gelan û netewa demoqratîk, bingeh hat girt. Piştî rizgarkirina herêma rojavayê Kurdistanê û li ser daxwaza gelê rojhilatê Çemê Feratê, hêza QSD'ê berê xwe da rojhilatê Feratê. Di encamê de, herêmeke berfireh rizgar bû û bi navê herêma bakur û rojhilatê Sûriyeyê hat ragihandin. Di vê herêmê de, hemû pêkhate û ol cihêن xwe digrin. Pirojeya vê rêveberyê, yekebûna xaka Sûriyeyê û avakirina Sûriyeke federal û demokratîk e.

◆ **Cihê erdnîgarî:**

Li bakur û rojhilatê Sûriyeyê cih digire.

◆ **Dirêjbûn:**

Di navbera giroverên panayiyê $35^{\circ} - 37^{\circ} 30'$ bakurê Nîvqatbirê û xêzên dirêjahiyê $34^{\circ} 30' - 42^{\circ}$ rojhilatê Girênenêtşê, cih digire.

◆ **Tixûb:**

Ji hêla bakur, bakurê Kurdistasnê ye.

Ji hêla rojhilat, Îraq e.

Ji hêla başûr, Çemê Ferat, zozanên Heleb û deştên Idlibê ne.

Ji hêla rojava, Deyaya Spî ye.

◆ **Girîngiya cih:**

Herêma bakur û rojhilatê Sûriyeyê ji ber dewlemendiyêن xwe yên xwezayî, dîrokî û aboriyî (sererd, binerd, dexilûdan, petrol û çemên mezin) ji tevahiya Sûriyeyê re, weke damarekî sereke ye. Ji ber ku daristanên xwezayî û çêkerî lê hene, ji hêla xwezayî ve jî pir dewlemend e. Ji hêla dîrokî ve jî ew girêdayî Mozopotamya Jorîn e ku destpêka cihwarbûnê bû.

◆ **Rûerd:**

Herêma bakur û rojhilatê Sûriyeyê bigîstî ji deş, çiya û zozanên nizim, pêk tê.

◆ **Çiya:**

- Çiyayê bakur û rojhilatê Sûriyeyê nizim û belav in.
- **Çiyayê Qereçoxê:** Li Dêrikê bi cih dibe û bilindahiya wî ji asta deryayê, dighêje nêzî 570 m yî. Darêñ mîna çam û berû li ser hene.
 - **Çiyayê Kewkeyê:** Li bakurê rojhilatê bajarê Hesekê cih digire. Ew 16 km dûrî bajêr e û bilindahiya wî ji asta deryayê 534 m ye. Ew çiyayekî volkanî ye û awayekî qoçekî digire.
 - **Çiyayê Kezwanan:** Li başûrê rojavayê Hesekê cih digire, nêzî 35 km dûrî bajarê Hesekê ye û bilindahiya wî ji asta deryayê, nêzî 920 m ye. Ji rojhilat ber bi rojava ve 85 km dirêj dibe û panaya wî ji bakur ber bi başûr ve 15 km ye. Qontarên wî yên bakur ji yên başûr neşîvtir in.



- **Çiyayê Semanê:** Li bakurê Çiyayê Şehbayê cih digire, bilindahiya wî 870 m ye û dirêjahiya wî ji bakur ber bi başûr ve 50 km ye. Li bakurê wî Qetma , li rojava, Geliyê Çemê Efrînê û li başûrê wî, Deşta Danayê ye.
- **Çiyayê Kurmênc:** Li herî bakurê rojavayê Efrînê cih digire, rojavayê wî Deşta Umaq û Çemê Reş, rojhilatê wî Deşta Izazê û başûrê wî Çiyayê Sem'anê ye. Bilindahiya vî çiyayî 700 – 1269 m ye. Dirêjahiya wî ji bakur ber bi başûr ve 75 k.m ye û panahiya wî ji rojhilat ber bi rojava ve 55 km ye.
- **Çiyayê Hewarê:** Li derdora herêma Reqayê nêzî bajêr û li ser Çemê Feratê cih digire.

◆ **Deşt**

Nêzî 80% rûerda bakur û rojhilatê Sûriyeyê deşt û rastgh in û li hin cihan pêlpêlîn e. Her wiha geliyên wê, ber bi başûr ve diherikin.

Deştên wê, mîna Deştên Hesinan, Qamişlo, Sirûj, Mêrdîn, Heran, Efrîn, Reqa û Dêra Zorê ne. Xaka van deştan berhemdar e û genim, ceh, pembo, nîsk, nok, pîvaz û dar li xaka wan, tê çandin.

◆ **Newal – Gelî**

Cihêن xwe li ser rûerda bakur û rojhilatê Sûriyeyê digrin. Ji ber sedemên cuda, ev gelî zuha bûne. Di demsalên bişilî de, diherikin. Mînak: Newal Darêyê li Amûdê yek ji rûbarêن Xabûrê ye.



- 1- Cihê herêma bakur û rojhilate Sûriyeyê, diyar bike.
- 2- Li ser Çiyayê Kurmênc, binivîse.

AVHEWA Ú HERÊMÊN AVHEWAYÎ

◆ Germahî:

- **Havîn:** Bi giştî pileya germahiyê bilind e û her ku mirov ber bi başûr û rojhilt ve diçe, bilintir dibe.
- **Zivistan:** Bi giştî pileya germahiyê nizm e û her ku mirov ber bi bakur ve diçe, nizmtir dibe.

◆ Baran û şilî:

- **Baran:** Piraniya barâna baranê di werzê zivistanê de ye. Di werzê buhrê de jî baran hin caran dibare; weke awayê çilesirîn çêdbin û baran dibare.
Barana ku di werzê payîzê de dibare, em jê re dibêjin, payîzxêr. Bi giştî baranên herêma bakur û rojhilate Sûriyeyê, ji aliyê dema barâna xwe û jî aliyê qaseya xwe ve, nebirêkûpêk in. Hin salan baran pir dibare û hin salan kêm dibare. Mînak: Sala 2019'an baran bêtirî 1000 mm yî bariya û sala 2018'an li piraniya hêrêmê, baran kêmî 400 mm yî bûn.
- **Berf:** Di werzê zivistanê de, li cihêن bilind dibare.
- **Zîpik:** Di werzê zivistan û buharê de dibare û metirsiyê li ser çandiniyê çêdike.

◆ Dewisîn û Ba:

- **Zivistan:**
 - **Bayê rojhilatî** (Bayê Reş): Sedema wê, dewisîna nizm li ser Deryaya Spî ye û ev ba, baranê bi xwe re tîne.

- **Bayê kur:** Bi sedema dewisîna bilind a Sîbîrî tê. Ev ba zuha û sar e; erdê zuha û hişk dike û ziyanê li kelûpel û şînatiyan dike.
- **Havîn:** Ba kêm radibe û hin caran, babîsokên herêmî, icacê radikin.
- **Buhar û payîz:** Ba di van her du werzan de, bibandor e. Bayê rojava, hênik û bişilî ye û yê başûr bixîz û ecacê bi xwe re, tine. Ba bi giştî di werzê buharê de, hênik e, lê payîzan germ e.

♦ **Herêmê avhewayî:**

- **Herêma avhewayaya Deryaya Spî (nîvşîl)**

Belavbûna vê avhewayê li herêma bakurê rojhilat û bakurê rojava ji herêmê, bi havîneke germ û zivistaneke hênik, derbas dibe. Di salê de, qaseya baranê di navbera 500 – 700 mm de ye. Ev jî derftê dide ku çandinî baş be. Mînak: Çandiniya genim, ceh, nok.

Şînatî: Şînatiyên xwezayî, li cihêن bilind şîn têن. Mînak: çam û spîndar. Her wiha hin jî demsalî ne, li deştan şîn têن. Mînak: qinêber û kereng.

Lawir: Lawirêñ kovî mîna: rovî, keroşk û hin firindeyêñ weke kew û kevokêñ bejî, lê hene.

- **Herêma avhewayaya Deryaya Spî (nîvzuha):** Ev cureya avhewayê li herêmêñ bakur, bibandor e. Havînan, germahî bilind e û zivistanan nizm e.
- **Baran:** Li vê herêmê, salane qaseya barîna baranê, di navbera 350 – 500 mm de ye.
Şînatiyên vê herêmê, darêñ berû û serû (selvî) ne .
- **Lawir:** Lawirêñ wê kovî ne mîna: mar û mirîşkêñ avî.

- **Herêma avhewaya Deryaya Spî ya Zuha**

Li başûrê her du herêmên derbasbûyî, bi cih dibe. Havînan germ û zuha ye û zivistanan, sar û zuha ye. Di navbera havîn û zivistanê, şev û rojê de, cudahiya germahiyê gelek e.

Li vê herêmê salane, baran di navbera 250 – 350 mm de, dibare.

Şînatiyên wê bejî ne. Mîna pûjan û perpar.

Lawir: Lawirênen wê yên kovî mîna: xezal û keroşkê ne û yên firinde, mîna: kewê sûsik û laçîneyê ne.



- 1- Hêmanêن avhewaya bakur û rojhilate Sûriyeyê, binivîse.
- 2- Herêmên avhewaya bakur û rojhilate Sûriyeyê, şîrove bike.

ÇEM Û GOLÊN BAKUR û ROJHILATÊ SÛRIYEHÊ

Av di her qadê de, roleke sereke dilîze; ci di milê jiyanî, aboriyî, pîsesazî, veguhestin, çandinî, geştiyarî û peydakirina enerjiyê de be. Her wiha, av dibe warê pir cureyên zindiyâ.

Sererd û binerda bakur û rojhilatê Sûriyeyê, bi avê, dewlemend in. Du çemên mezin di xaka wê re derbas dibin û ew jî çemên Dîjle û Feratê ne. Çavkaniya wan li bakurê Kurdistanê ye. Çemê Dîjleyê, di xaka wê re nêzî 50 k.m, derbas dibe. Çemê Ferat jî di xaka wê re, nêzî 600 k.m derbas dibe.


Piraniya çemên din rûbarê Feratê ne, lê piraniya wan zuha bûne. Di werzê zivistanê de, piraniya rûbarê biçük û mezin ên çemên mezin, diherikin.

◆ Çemê Xabûrê:

Dirêjahiya Çemê Xabûrê 320 k.m ye û çavkaniya wî, ji bakurê Kurdistanê ye. Piştre derbasî Serê Kaniyê dibe. Li ser dirêjahiya çem, gundêن Tiltemir rêz dinin. Li bajarê Hesekê, av wî dikeve nava ava Çemê Ceqceqê. Li Herêma Hesekê, bendava Hesekê ya başûr, li ser hatiye avakirin. Li nêzî devera Meyadînê, ava wî tevlî ava çemê Feratê dibe.

- **Çemê Belîxê:** Çavkaniya wî ji herêma Girê Spî ye û bi taybet, gundê Eynelarûsê ku 3 k.m li başûrê bajarê Girê Spî(li herêma Reqayê) cih digire. Dirêjahiya çem, 110 k.m ye û lezabûna ava wî dighêje $6m^3/\text{ç}$ ye. Li gundê Reqtsemrayê yê ku dikeve rojhilatê Reqayê, dibe du beş û li wir du pir li

ser hatine avakirin; yek li rojhilt û yek jî li rojava ye. Piştre ava wî tevlî Çemê Feratê dibe.



- **Çemê Efrînê:**

Çavkaniya wî rojavayê bajarê Dîlokê ye û ji bakur ber bi başûr ve diherike. Dirêjahiya wî 149 k.m ye û bilindahiya wî ji asta deryayê, 370 m ye. Navîna gurbûna çem, $8.6m^3/\text{Ç}$ ye. Di havînan de, $1.4 m^3/\text{Ç}$ ye û di zivistan û buharan de, $15.6m^3/\text{Ç}$ ye.

Xwarbûna (nişîva) çem 3.33 m/k.m ye û rûbera korta wî, 2850 km^2 e. Çemê Efrînê û Çemê Reş, Gola Umiqê pêk tînin. Lê dewleta Tirkîyeyê, berê çem guhert û ber bi başûr ve vekir û Gola Umiqê zuha bû.



◆ **GOL:**

Du cureyên golan hene: xwezayî û çêkerî ne.

Ev her du cure, li bakur û rojhilatê Sûriyeyê têñ dîtin.

- **Gola Xatûniyayê:** Goleke xwezayî, li bakurê rojhilatê herêma Hesekê, cih digire. Li ser dirêjahiya rêzeçiyayêñ Şingalê ye. Girîngiya vê golê ku li deverike nîzî biyabanê




û jiyan li derdora wê daye peydakirin. Rûbera wê nêzî 6 k.m ye. Pir cureyên masiyan tê de, peyda dibin.

- **Gola Tebqayê:** Goleke çêkerî ye, li ser Çemê Feratê li herêma Reqayê, cih digire. Dirêjahiya wê nêzî 80 k.m ye û panahiya wê 8 k.m ye. Ji hêla elektrîk, geşt, avdan û çandiniyê ve, pir bisûd e. Her wiha pir çureyên masiyan tê de hene û masîvanî li vê golê dibe.



- 1- Li ser Çemê Efrînê, binivîse.
- 2- Li ser golên bakur û rojhilatê Sûriyeyê, binivîse.

ŞÊNÎ LI BAKUR û ROJHILATÊ SÛRIYEVÊ



Serjimariyeke piştrast ji bakur û rojhilatê Sûriyeyê re, tune ye. Li gorî pêşbîniyan nêzî 5 milyonan e. Ji ber bandorêna ramyarî, aboriyî, civakî û bûyerên ku li şenîyan bûne, hejmareke ji niştecihênen herêmê penaber bûn û bi taybet deverên şer tê de gur bû. Her wiha ji ber aramiya ku li hin deverên bakur û rojhilatê Sûriyeyê peyda dibe, beşeke ji şeniyênen Sûriyeyê lê bi cih û war bûne.

◆ **Tofbûn û belavbûna şenîyan:**

Tofbûna giştî nêzî 66 kes / km² e. Sedemên bingehîn ên bandorê li cihwarbûn û balvbûnê dîkin, xwezayî û mirovî ne. Mînak: avhewa, rûerd, berhemdariya xakê, berhemên binerd...

Li gorî belavbûna şêniyan, bakur û rojhilatê Sûriyeyê, dibe du herêm:

- **Herêma bakur:** Tofbûna şêniyan li rojava û bakurê rojhilatê herêmê bilind e. Sedemên wê jî ev in: Peydabûna avê û dewlemendiya sererd û binerdê ye.
- **Herêma rojhilat:** Ji bilî bajarênu ku li ser Çemê Feratê ava bûne (tofbûna şêniyan lê bilind e) ev herêm xwedî tofbûneke kêm e. Ew jî vedigire van sedeman: avhewaya neguncaw, ava kêm û bandora biyabanîbûnê li ser xaka wê.

◆ **Penaberî**

Penaberî dibil du cure:

• **Penaberya hundirîn:**

Ew jî dibe sê cure:

- Demkî: Mîna penaberiya karkerênu gundan ber bi bajaran ve û penaberiya hin şêniyan bajar û gundan ên malên wan helweşiyane ji ber şerê heyî.
- Berdewam: Penaberiya şêniyên gundan ber bi bajaran ve ji bo bilindkirina asta aboriyî û jiyanî, ji ber derfetên kar, li bajaran peyda dibil.
- Kotekî: Mîna karê ku dewleta Tirkîyeyê li Efrînê dike; dema penaberkirina şêniyên Efrînê ji ser milk û warên wan û bicihkirina şêniyên herêmên Sûriyeyê yên hundirîn mîna Xûta û Idlibê li şûna wan; ev yek dihêle ku dîmografiya Efrînê ber bi guherînê ve biçe.

- **Penaberya derive:**

Dibin du cure:

- Penaberiya ku ji welat ber bi dewletên din ve mîna penaberiya ku ji bakur û rojhilatê Sûriyeyê ber bi dewletên Ewropayê ve, bi taybet penaberiya ciwanan ber bi Almanya û Swêdê ve.
- Penaberiya ji rojava û bakurê Sûriyeyê ve, ji welatên derdor re mîna penaberiya ji herêma bakur û rojhilatê Sûriyeyê ber bi Îraqê ve, ji ber şerê Da`işê.


◆ **Encamên penaberiyê**

- Guhertina demografi di herêmên ku şeniyên wê neştecihênen resen in.
- guhertina zayendî, cihê ku penaberî lê çêdibe, jin pir dixin û cihê ku penaberî diçe wê zilam lê pir dixin.
- Berhemên çandiniyê kêm dixin.
- Destkarî kêm dibe.
- Girêdana bi xaka welat re, namîne.
- Penaber, dûrî çand û sincê xwe, dikeve.



- 1- Şeniyêن bakur û rojhilatê Sûriyeyê li ku belav dibin, binvîse.
- 2- Encamên penaberiyê, binvîse.

ÇALAKIYÊN MIROVÎ LI BAKUR Û ROJHILATÊ SÛRIYEYÊ (ABORÎ)



◆ Çandinî li bakur û rojhilate Sûriyeyê:

Di jiyan û aboriya civaka bakur û rojhilate Sûriyeyê de, çandinî roleke sereke dilîze; ji hêla peydakirina dixilûdan û bikaranîna berhemên wê, di pîsesaziyê de.

Hin bingehênu ku çandinî li bakur û rojhilate Sûriyeyê, xwe li ser digire:

- Avhewaya curbicur.
- Berhemên curbicur.
- Xaka berhemdar.
- Di çandiniyê de, pisporiya şeniyên wê
- Piraniya erdên wê, deştên rast û fireh in.

♦ **Girîngtirîn berhemên çandiniyê li bakur û rojhilatê Sûriyeyê:**

- **Dexilûdan:** Li Sûriyeyê, piraniya rûberên çandiniyê, li bakur û rojhilatê Sûriyeyê, cih digrin û piraniya wan bejî tê çandin û girêdayî baranê ne; ji ber vê yekê cudahiya berhemên wan ji salakê heta saleke din heye,
- **Genim:** Yek ji berhemên çandiniyê yên sereke ye. Ew avî û bejî tê çandin û bêtirî nîvê xaka çandiniyê digire. Li hemû herêmên bakur û rojhilatê Sûriyeyê tê çandin û bi taybetî li herêmên Qamişlo, Hesekê û Reqayê. Cureyên genimê wan ji cureyên hezkirî ji derfirotinê re ne.
- **Ceh:** Ji hêla rûberên çandiniyê ve piştî genim tê, bi piranî bejî ye. Li herêmên ku baran û berhemdariya xaka wan kêm e, tê çandin.
- **Garis:** Berhemeke havînî û avî ye û bi piranî li herêma Reqayê, tê çandin. Ji ber kîmbuhaya berhemên çandiniya wê, bi paş de vegerya û li hemberî berhemên din kêm bû. Pêwîstiya herêmê bêhtir bi berhemên dexilûdanê, heye.



- **Baqildan:** Ji ber dewlemendiya wê bi birotûnên şînatiyî, ji bo tîmara mirovan, ji berhemên herî girinîg e. Di kok û rehêن wê de, girêkên azotê hene yên ku asta berhemdariaya xakê bilind dikan.

Girîgtrîn berhemên baqildankan ev in:

- **Nîsk:** Li hemû deverên bakur û rojhilatê Sûriyeyê tê çandin, bi taybet li Amûdê, Hesekê û Şehbayê.
- **Nok:** Piranî li herêma Dêrikê bi rûberên berfireh, têن çandin.
- **Fûl:** Di werzê zivistanê de, bi rûberên teng têن çandin. Piranî li herêma Cizîrê têن çandin.
Berhemên baqildankan, têra mezaxtina herêmê dikan.
- **Sebze:** Piraniya vê cureyê bi rengê avî, tê çandin. Ji ber ku berhemên wê nerm in; nikarin demeke dirêj bê mezaxtin bimînin, ew li gund û derdora bajaran têن çandin (divê zû bighêje bazaran an jî amûrên veguhestinê mîna sarincan peyda bibin). Sebzeyên ku li bakur û rojhilatê Sûriyeyê têن çandin: bacan, xiyar, pîvaz, xirtik, bamî, lehane, beqdûnis, şebeş û talik in. Di dema dawî de, ev çandinî ji hêla rûber û cureyên nû, bi pêş ket. Mînak: xiyar, bacan, îsot, xirtik di odayêن naylonkirî de têن çandin û berhemên wan di zivistanê de têن xwarin.

- **Darên mîweyan:** Bi çandiniya daran, herêma bakur û rojhilatê Sûryeyê lawaz e. Weke tê zanîn tenê herêma Efrînê bi daran dewlemend e.
- **Zeytûn:** Ji hêla xwarin û pîsesaziyê ve bisûd e. Nêzî %60 ji rûberên çandiniya daran, zeytûn in û piranî li herêma Efrînê tên çandin.




- **Mêwe:** Li herêma Cizîrê, di rûberên belav de, tên çandin. Piraniya çandiniya wan, li Efrînê ye.
- Hin cureyên din jî yên darêن mîweyan hene. Mînak: hinar, gûz, hirmî, hejîr, lê ew têra mezaxtinê nakin.
- **Berhemên pîsesaziyê:** Ev berhem di pîsesaziyê de tên bikaranîn û sûd ji wan tê girtin:
- **Pembo:** Di pîsesaziyê de, yek ji berhemên bingehîn e. Ew berhemeke avî ye û di werzê havînê tê çandin. Pêwîstiya wî bi germahî, ava pir û xaka berhemdar heye. Her wiha di rêya veçirandin, rêsandin û tevnandinê, pembo tevlî pîsesaziyê dibe (ta, cil û berg) û sûd jê tê girtin. Her wiha sûd ji tovê wî tê girtin; ew dibe donê pembo û bermahiyêñ wî dibin êmê lawiran. Lê di demêن dawî de, çandiniya pembo bi paş de vegriyaye. Piraniya berhemên wî ji Serê Kaniyê Dirbêsiyê Amûdê û Reqayê tên.

- **Silka şekir:** Di çandiniyê de yek ji berhemên herî girîng e. Ew li bakur û rojhilate Sûriyeyê, di derxistina şekir de, berhema yekem e. Her wiha, ew di çêkirina hevîrtirşê de (hevîrtirş di çêkirina nan de hêmanekî sereke ye) tê bikaranîn. Herêmên ku lê tê çandin Reqa û Dêra Zorê ye.



◆ Çalakiyêñ mirovan li bakur û rojhilate Sûriyeyê (pîşesazî)



• **Girîngiya pîşesaziyê:**

Pîşesazî, di pêşketina aboriyî û civakî de, roleke sereke dilîze. Berhemên wê, dihêle asta jiyanî bilind bibe ,derfetê kar peyda bibin û bandorêñ erêñî li çalakiyêñ aboriyî bibin. Mînak: çandinî, bazirganî, veghestin û dahatiyêñ pîşesaziyê dikevin nava hilbirîn û bûdceya niştimanî û nirxê wê bilind dikin.

Rabûnanêñ pîşesziyê: Rabûnanêñ ku li bakur û rojhilate Sûriyeyê peyda dixin, dixin du cure:

- **Rabûnanêñ xwezayî:** Heyberêñ xam, mîna heyberêñ çandiniyê (pembo, silka şekir, zeytûn) û jêderêñ enerjiyê (petrol, gaza xwezayî û elektrîk) li herêmê peyda dixin.
- **Rabûnanêñ mirovî:** Mîna peydabûna karkeran, sermiyan, bazarêñ mezaxtinê û pilanêñ ku Rêveberya Xweser ji bo pêşxistina herêmê standine mîna: rîgirtina li ber malgirtinê û pêşxistina enerjiya mirovî ji bo pêşxistina aboriyî.

Aboriya bakur û rojhilatê Sûriyeyê, xwe li ser vî bingehî, ava dike:

- **Aboriya komînal:**

Ev aborî, bi derketin û pêşketina berhemên çandiniyê re li ser bingehê pevguherîna berheman bû û bi vî aweyî civakê pêwîstiyêن xwe peyda dikirin, derketiye.

Aboriya komînal, di wateya xwe ya giştî de, peydakirina pêwîstiyêن darayî ji bo avakirin û pêşxistina civak û saziyên pê ve girêdayî ne. Ew dûrî malgirtina bazar û bazirganan , xwe li ser parvekirina berheman bi rêya saziyên pêvegirêdayî, li tevayî civakê, ava dike.

Çandinî di aboriya bakur û rojhilatê Sûriyeyê de, ji hêla ewlehiya çandiniyê ve, roleke sereke dilîze û di pêşketina pîşesaziyê de ji hêmanên sereke ye. Ji bo ku herêma bakur û rojhilatê Sûriyeyê xwe bighîne xwemalîbûnê, dest bi avakirin û vekirina navendên lêkolînan, kiriye. Armanc jê, avakirina laşekî aboriyî yê saxlim e ku karibe berhemên bakur û rojhilatê Sûriyeyê bixe xizmeta civakê.




- 1- Çandinî li bakur û rojhilatê Sûriyeyê xwe li ser çi, digire?
- 2- Li ser dixilûdana li bakur û rojhilatê Sûriyeyê, binivîse.
- 3- Aboriya bakur û rojhilatê Sûriyeyê xwe li ser çi bingehî, ava dike?
- 4- Li ser girîngiya pîşesaziyê ya li bakur û rojhilatê Sûriyeyê, binivîse.



110

BEŞA PÊNCEM





ARMANCÊN BEŞÊ

Wê xwendekar di dawiya vê beşê de, fêrî:

Hin herêmên bakur û rojhilate Sûiyeyê, bibe:

- 1- Herêma Efrînê .
- 2- Herêma Kobanê.
- 3- Herêma Qamişloyê.
- 4- Navçeya Amûdê.

EFRÎN



◆ Cih:

Li rojavayê Kurdistanê; li bakur û rojavayê Sûriyeyê cih digire.

◆ Dirêjbûn:

Li ser giroverên panayiyê $36^{\circ} 30' 36''$ bakurê Nîvqatbirê û xêzên dirêjahiyyê $36^{\circ} 52' 04''$ rojhilate Girînêşê, cih digire. Herêma Efrînê di navbera Deşta Ezazê ji rojhlat û Deşta Umiqê ji rojava de ye. Bi giştî herêm çiyayî ye. Bilindahiya wê ji 700 – 1250 m ji asta deryayê ye û lütkeya herî bilind,

Çiyayê Mezin yê bilindahiya wî 1269 m ew jî beşeke ji rêzeçiyayên Torosê ye.

Panahiya herêmê: Ji rojhilat ber bi rojava ve 55 k.m ye.

Dirêjahiya herêmê: Ji bakur ber bi başûr ve 75 k.m ye.

◆ **Rûber:**

Rûbera herêmê nêzî 3.850 k.m^2 e.

◆ **Rûerd:**

Rûerda herêma Efrînê curbicur e; ji çiya, deşt, newal... pêk tê.

Çemê Efrînê yê ku di herêmê re derbas dibe, dirêjahiya wî 85k.m ye.

◆ **Avhewa:**

Ji ber bilindbûn û nêzîkbûna herêma Efrînê ji Deryaya Spî re , bandora avhewaya Deryaya Spî li ser herêma Efrînê heye. Herêm, di havînan de hênik e û di zivistanan de, sar e. Baranê gur lê dibarin û berf li cihêن bilind, dibarin.

◆ **Şînatî:**

Herêma Efrînê, bi daristana çamê û hin cureyên şînatiyêن demsalî (tolik, zehtera bejî) dewlemend e.

Xaka wê sor û berhemdar e.

Xaka wê sor e ji ber ku oksîda hesin tê de pir e û ji çandiniya daran re, guncaw e.

Hejmara şeniyêن herêma Efrînê li gorî jêhêlanîna 2015'an, nêzî 600.000 mirovî ne, bêtirî 60.000 mirovî li bajarê Efrînê dijîn. Herêma Efrînê ji 7 navçeyan (Şeran, Şêxelhedîd , Cindêris, Raco, Bilbil, Mabetlî û Efrînê) pêk tê. Her wiha ji 366 gundan jî, pêk tê.

◆ **Çalakiyêن aboriyî:**

- Piraniya şeniyêن herêmê bi çandiniyê û karêن girêdayî çandiniyê, mijûl dibin. Çandiniya darêن mîweyan mîna: darêن, hinar, hejîr, tirî û zeytûnan çandiniyekê bingehîn e.

- Li herêmê nêzî 15.000.000 dar hene.
- Pîsesaziyêن mîna derxistina zeyta zeytûnan û çêkirina sabûnê, girêdayî çandiniyê ne.

♦ **Geştiyarî:**

Rabûnanêن geştyariyê mîna xwezaya xweşik, daristan, çem, kanî, newal, cihêن dîrokî (Eyndara, Mabata, Nebî Horo û Meydankê) li herêmê hene. Ji ber ku şêniyên herêma Efrînê kurd in, di milê avakirina kargehan, avakurina deverên alîkar bi geştiyariyê re, mîna otêl, xwaringeh û hwd tu guhdan ji hêla dewleta Sûriyeyê lê nedihat kirin.

Di 18.3. 2018'an de, hêzên terorîst bi tevlîbûna Tirkîyeyê bi çekêن herî pêşketî û bi alîkariya belafiran, piştî berxwedaniya 58 rojan, derbasî nava xaka Efrînê bûn. Di encamê de, Tirkîye û çeteyên pê ve girêdayî, hemû mal û milkêن şêniyan talan kirin û dîmoxrafiya Efrînê guhertin û xwezaya wê wêran kirin.

KOBANÊ



Kobanê bajarekî kurdan e, li rojavayê Kurdistanê û li hemberî bajarê Sirûcê ye. Kobanê nezîkî 160 km bakurî rojhelatê Helebê ye û li rojhilate Çemê Feratê, cih digire (di navbera wê û Çemê Feratê de 30 km heye). Piraniya şeniyên Kobanê li ser çandiniyê, dijîn û bi xebat û çêkirina xerazan, pir navdar in.

Şeniyên Kobanê û gundêñ wê, bi tevahî kurd in. Her wiha hin malbatêñ ermen lê hebûn, lê hêdî hêdî bar kirin Helebê yan jî koçberî welatêñ derveyî bûn. Piraniya xelkêñ gundêñ Kobanê, bi çandiniyê ve mijûl dîbin. Di van salêñ dawî de, li Kobanê pîşesazî jî bi pêş ket.

◆ Erdnîgarî:

Firehbûna erdê Kobanê $3,023 \text{ km}^2$ e. Hejmara şeniyên wê, li gorî serjmara dewletê, di sala 2000'î de, 204.653 kes in. Li

rojavayê bajarê Kobanê (30 km) Çemê Feratê, derbas dibe. Kobanê, nêzî 80 km dûrî bajarê Rihayê ye.

Kobanê, 150 km dûrî navenda bajarê Helebê ye. Li bakurê wê, herêma Ûrfa, li başûrê wê bajarokê Sirrînê û li başûrê rojhilatê wê, bajarê Reqayê heye. Li aliyê rojhilat, bajarokê herî nêzîk, Girê Spî ye.

Gundêñ li aliyê rojhilat heta gundê Tilêcbê, wek gundêñ Deşta Pirsûsê, tên nasîn. Li başûrê bajêr, Girê Miştenûrê heye û ger mirov ji wir ber bi başûr ve biçe, erd bi piranî qeracî ye. Di roja me ya îro de av li Kobanê, bi taybetî di salêñ bêyî berf û kêmbaran, kêm bûye.

Cihêñ Dîrokî:

Li hin gundêñ herêma Kobanê, bermahiyêñ dîrokî yên kevnar, hatine dîtin. Lê bi piranî, ji wan cihan hatine rakirin û li muzexaneyêñ bajarêñ mezin, mîna Helebê, hatine bi cih kirin û yên din jî hatine dizîn û winda bûne. Weke nimûne, li Şêranê, du peykerêñ şêrêñ ji kevirê reş hebûn, lê ji wir hatine birin û li Reqayê, hatine bicihkirin. Li ser Girê Miştenûrê şikeftêñ dîrokî hebûn, lê hinek ji wan hilweşîyan an tijî xwelî bûne. Demekê li Kobanê dêrêñ ermenan jî hebûn. Mînak; Dêra Mezin(li nêzikî dibistana ermenan a li başûrê navenda bajêr bû) û du dêrayêñ biçûktir jî hebûn, lê bi müşextkirina ermenan re, dêrêñ wan jî neman. Destpêka sedsala 21'ê li Kobanê ji bilî 2-3 kesên ermen, nemabûn.

QAMIŞLO



Qamişlo, bajarekî rojavayê Kurdistanê ye.

Şêniyên wê nêzî 500.000 ne û ji wan 70 % kurd in. Her wiha dûrî bajêr (6 km) balafirgehek heye.

Qamişlo dikeve navbera bajarê Serê Kaniyê (120 km li rojava), Dêrik (100 km li rojhilat) û Hesekê (85 km li başûrê rojava). Her wiha ew 30 km dûrî Amûdê ye, ji Dirbêsiyê 60 km li rojava, ji Tirbespiyê 30 km û ji Rimêlanê 60 km (li Rojhilatê) dûr e.

Rewşa Hewayê

Bandora avhewaya Deryaya Spî li Qamişloyê heye; havînan germ û zuha ye, zivistanan sar û bibaran e û buharan carnan baran dibare. Di havînan de, li herêma Qamişloyê, dibe ku germahî di meha Tîrmehê de, bibe 41°C , di zivistanan de (meha rîbendanê) pileya germayê bibe 2°C û carnan ji 0°C kêmtir bibe.

AMÛDÊ



Navê Amûdê, di pirtûka (Neşwetelmedam) derbas dibe. Ev pirtûk a nivîskar Mehmûd Elalûsî ye. Di sala 1275'an a koçî de, Mehmûd Elalûsî, serdana Amûdê kiribû. Dibêje ku li Amûdê 70 mal û mizgeftek, hebûn. Ev dide xuyakirin ku Amûdê, berî vê dîrokê, ava bûye.

Amûdê ji herêm, naveçe û bajrên ku li derdrora wê cih digirin, kevnartir e. Girên ku li Amûdê û derdora wê hene, vî tiştî tekez dikan. Mînak: Girê Darê (dûrî Amûdê 3km) Girê Mozan (Orkêş, peytexta Hüriyan a ku dîroka wê vedigere 3000 sal B.Z) Çaxir Bazar, Girê Şermola...

♦ Erdnîgarî

- **Cih:** Li rojavayê Kurdistanê ye.
- **Tixûb:** li rojhilatê wê, Qamişlo, li rojavayê wê Dirbêsiyê, li başûrê wê Hesekê û li bakurê wê Deşta Mêrdînê, cih digirin.

- **Rûber:** Rûbera wê, 3.248 km^2 e.
- **Dirêjahî:** Ji giroverên panayiyê $36^\circ 48' 56'' - 37^\circ 7' 56''$ bakurê Xêza Nîvqatbirê û ji xêzên dirêjahiyyê $40^\circ - 41^\circ$ rojhilatê Girînêtsê ye.
- **Avhewa:** Amûdê di bin bandora avhewaya Deryaya Spî ya nîvzuha de ye; havînan germ û zuha ye û zivistanan, sar û bişilî ye.
- **Rûerd:** Rûerda Amûdê bi giştî deşt e. Ev deşt, berdewamiya Deşta Mêrdînê ye. Nişîvbûna deştê, ji bakur ber bi başûr ve ye; xwarbûn û nişîvbûneke sivik e. Çemê Darê û hin coyên girêdayî wê, dewsa xwe kolane û ber bi başûr ve diçin.
- **Xak:** Bi giştî li navçeya Amûdê, xaka qehweyî belav e. Ev xak berhemdar û ji hemû cureyên çandiniyê re, bikêrhatî ye.
- **AV:** Piraniya ava wê binerd e. Her wiha hin rûbar di Amûdê re, derbas dibin. Mînak: Çemê Darê yê ku berê ava wî diherikî, lê niha zuha bûye.
- **Şenî:** Piraniya şeniyên Amûdê û gundawarên wê, kurd in. Her wiha, hin pêkhateyên din jî lê dijîn. Mînak: erek,suryan û ermen.
- **Çandinî:** Ji ber ku rabûnanêن çandiniyê li navçeya Amûdê hene, çandinî ji şeniyên wê re, karekî bingehîn e. Mînak: rûberên berfireh û berhemdar, hêza karkerî, peydabûna avê û bi taybet a binerd, avhewaya guncaw ya bikêrhatî ji çandiniya dexilûdan, pempo, sebze,baqildank ...

Lêkolîn

Li ser bajarêن bakur û rojhilatê Sûriyeyê, lêkolîn bike.

BELAVKIRINA WANNEYAN LI SER SALA XWENDINÊ

HEFTÎ MEH	HEFTIYA YEKEM	HEFTIYA DUYEM	HEFTIYA SÊYEM	HEFTIYA ÇAREM
REZBER			Qirêjiya Qerebalixî	Pirsgirêkên jîngehî (biyabanîbûn)
COTMEH	Pirsgirêkên Şeniyî	Pirsgirêkên Şeniyî	Kurdistan	Rûerda Kurdistanê
MIJDAR	Rûerda Kurdistanê	Avhewaya Kurdistanê	Ava Kurdistanê	Ava Kurdistanê
BERFANBAR	Şînatiyêن Xwezayî û Lawirêن Kovî	Erdnîgariya Mirovî	Erdnîgariya Mirovî	Sûriye
RÊBENDAN	Avhewaya Sûriyeyê	Nirxandin	Bêhinvedan	Bêhinvedan
REŞEMEH	Avhewaya Sûriyeyê	Şenî	Pîşesazî û Gerîn	Herêma Bakur û Rojhilatê Sûriyeyê
AVDAR	Avhewa û Herêmên Avhewayî	Çem û Golên Bakur û Rojhilatê Sûriyeyê	Şenî li Bakur û Rojhilatê Sûriyeyê	Çalakiyêن Mirovî li Bakur û Rojhilatê Sûriyeyê (Aborî)
COTAN	Efrîn	Kobanê	Qamişlo	Amûdê
GULAN	Lêkolîn	Nirxandin		